

جسره عدليه

آلتهی سنه

۲۵ محرم ۱۳۳۴

۲۰ تشرين ثاني ۱۳۳۱

نومرو ۱۴۴

جمع

قائم مقام

نوبهات عدليه

جسر ارکنه حاکم معاونی حافظ شا کر ومعلقره حاکم معاونی اساعیل حق وچورلی حاکم معاونی احمد نسیب افندیلر عندالاقضا ادرنه ولایتی مرکز سنجاغیله الویة ملحقه یه مربوط بالعموم قضالر بدایت محاکمی وسویده قضاسی بدایت محکمه سی مستنطق نیقولاً افندی سلط قضاسی بدایت محکمه سی نزدنده مستنطق وظیفه سی ایفایه مأذوندر .

۱۷ صفر ۱۳۳۴ و ۱۲ کانوناول ۱۳۳۱

بو اراده سنیه نك اجراسنه عدلیه ناظری مأمورددر .

محمد رشاد

صدر اعظم
محمد سعید

عدلیه ناظری
ابراهیم

*
**

قسطمونی استیناف محکمه سی اعضاسندن کیرقور کمال افدینک عزلیله یرینه طربزوننده بولنان بتلیس استیناف محکمه سی اعضاسندن محمد شکری وبتلیس استیناف محکمه سی اعضالغنه موش بدایت محکمه سی مدعی عمومیسو ثریا وکرک بدایت محکمه سی مدعی عمومیلکنه شامده بولنان بصره استیناف محکمه سی اعضای سابقه سندن ابراهیم صبری وموش بدایت محکمه سی مدعی عمومیلکنه چباقور بدایت محکمه سی رئیس علی

عونی واورفه بدایت محکمه سی اعضا لگنه سیوه رکده بولنان بتلیس بدایت محکمه سی سر مستنطق سابقی محمد صبری ولازستان بدایت محکمه سی اعضا لگنه طرزون بدایت محکمه سی سر مستنطق سابقی علی فائق وحیدیه بدایت محکمه سی اعضا لگنه ملغا حدیده تجارت محکمه سی اعضا لگنه مسبق الحدمه علی عائش وعکا بدایت محکمه سی اعضا ملازملکنه نابلس بدایت محکمه سی اعضا ملازمی احمد عزت وخراسان لوا بدایت محکمه سی مستنطق لکنه نجف اشرف بدایت محکمه سی مستنطق محمد عارف وککبوزه بدایت محکمه سی مستنطق لکنه تحویلنه لزوم کوریلان صاروحان بدایت محکمه سی مستنطق لکنه محمد خالص و صاروحان بدایت محکمه سی مستنطق لکنه دکرلی بدایت محکمه سی مستنطق احمد فرید ودرت یول بدایت محکمه سی مستنطق لکنه آیدین سنجاغی بدایت محکمه سی مستنطق مصطفی کال افدیلر نقل وتعیین وکلیولی بدایت محکمه سی مدعی عمومی محمد صالح ومرتته وشارکوی بدایت محکمه سی مدعی عمومی علی نیازی افدیلرک بجایشلری اجرا قلنمش ووان ولایتی استیناف محکمه سی اعضا سندن خپاریان آغابک وعیسائی حلمی افدیلرله ولایت مذ کوره بدایت محکمه سی اعضا سندن ترجمان سناتیان ودیقران و حکاری بدایت محکمه سی اعضا سندن صرافیم وقیطره بدایت محکمه سی مستنطق بشیر نصوف افدیلر عزل اولنمشدر .

بو اراده سنیه نک اجراسنه عدلیه ناظری مأمورد .

۲۱ صفر ۳۳۴ ۱۴ کانون اول ۳۳۱

عدلیه ناظری صدر اعظم محمد رشاد
ابراهیم محمد سعید

* *

سنه حالیه شباطی ابتداسندن اعتباراً تشکیلاتی اجرا قلنان کر توك سنجاغی بدایت محکمه سی ریاسته محکمه مذ کوره جزا دائره سی رئیس مصطفی شوقی و مدعی عمومیلکنه محکمه مذ کوره مدعی عمومی محی الدین صبحی افدیلر ابقاء و اعضا لگنینه مکتب حقوق علی الاعلا درجه مآذونلرندن احمد وخراسان لوا بدایت محکمه سی ضبط کتبه سندن مکتب مذ کوردن اعلا درجه ده مآذون فهمی وکربلا بدایت محکمه سی مستنطق مکتب مذ کوردن مآذون توفیق و دیوانیه بدایت محکمه سی اعضا لگندن مستغنی کذا مکتب مذ کوردن مآذون احمد خیرالدین و اعضا ملازملک لگنینه سلیمانیه بدایت محکمه سی اعضا سندن علی وکربلا بدایت محکمه سی اعضا ملازمی عباس افدیلر مجدداً و مستنطق لک لگنینه محکمه مذ کوره مستنطق لری احمد شاکر و عبدالفتاح افدیلر کذلک ابقاء تعیین اولنمشلورد .

بو اراده سنیه نک اجراسنه عدلیه ناظری مأمورد .

۲۲ صفر ۳۳۴ ۱۷ کانون اول ۳۳۱

عدلیه ناظری صدر اعظم محمد رشاد
ابراهیم محمد سعید

* *

قلعه سلطانیه بدایت محکمه سی جزا رئیس مصطفی عاشر افدینک معلولیتنه بناء تقاعده سسوقله یرینه منتشا بدایت محکمه سی جزا رئیس فیروز ومنتشا بدایت محکمه سی جزا ریاسته مرعش بدایت محکمه سی جزا رئیس محمد جمال و مرعش بدایت محکمه سی جزا ریاسته ماردین بدایت محکمه سی جزا رئیس خلیل ادیب و ماردین بدایت محکمه سی جزا ریاسته ارزنجان بدایت محکمه سی مدعی عمومی ابراهیم حق وچباچور بدایت محکمه سی ریاسته کوار بدایت محکمه سی رئیس احمد حمیدی و صامسون بدایت محکمه سی ریاسته تحویل لازم کلان سیلوان بدایت محکمه سی رئیس محمد اثیرالدین و سیلوان بدایت محکمه سی ریاسته تحویل طلبنده بولنان صامسون بدایت محکمه سی رئیس محمود سعید و تیره بدایت محکمه سی مدعی عمومیلکنه اورله بدایت محکمه سی مدعی عمومی علی توفیق واورله بدایت محکمه سی مدعی عمومیلکنه تیره بدایت محکمه سی مدعی عمومی احمد شکری و قواقلی حاکم معاونلکنه ایصاله بدایت حاکم معافی بکر سامی وایصاله حاکم معاونلکنه محکمه مذ کوره مدعی عمومی محمد صبری وایصاله مدعی عمومیلکنه قواقلی بدایت محکمه سی مستنطق مکتب حقوقدن علی الاعلا درجه ده مآذون حسین واطنه بدایت محکمه سی اعضا لگنه چوروم بدایت محکمه سی اعضا ملازمی علی رضا و معموره العزیز استیناف محکمه سی اعضا ملازملکنه ابقاء سینوب بدایت اعضا سندن احمد حمیدی و دیرک بدایت محکمه سی مستنطق محمد علی افدینک مستغنی عدلیه یرینه طلبیه بتلیس بدایت محکمه سی اعضا ملازمی مصطفی کال و انقره بدایت محکمه سی اعضا ملازملکنه طلبیه مبنی اطه پازاری بدایت محکمه سی مستنطق اسماعیل حق افدیلر نقل وتعیین و بالیه قضاسی بدایت محکمه سی مستنطق محمد حق افندی عزل اولنمش و کرکوک بدایت محکمه سی مستنطق لکنه عبدالفتاح افدینک رانیه وکوی سنجاق بدایت محکمه لری معاملات استنطاقیه لرینی رؤیت ایتمسینه مآذونیت اعطا قلنمشدر .

بو اراده سنیه نک اجراسنه عدلیه ناظری مآذوندر .

۴ ربیع الاول ۳۳۴ ۲۸ کانون اول ۳۳۱

محمد رشاد

عدلیه ناظری صدر اعظم
ابراهیم محمد سعید

* *

منحل اولان درسعادت استیناف محکمه سی اعضا لگنه استانبول و ملحقاتی صالح حاکملرندن علی نائل و استانبول و ملحقاتی صالح حاکملکنه بک اوغلی بدایت محکمه سی اعضا سندن مصطفی خلوصی و درسعادت غنائم بحریه محکمه سی قومیسر لکنه علاوه مأموریت اوله رق بک اوغلی بدایت محکمه سی مدعی عمومی معاونلرندن محمد سعدی و کموش حاجی کوی بدایت محکمه سی مدعی عمومیلکنه مکتب حقوق مآذونلرندن عمروهی

ولالا پاشا حاكم معاونلكنه از مير بدايت محكمه سى اعضا لغندن مستغنى حسن حسنى بك واقديلىر نقل وتعيين
و حوران بدايت محكمه سى اعضا سندن سالم مظلوم افندى عزل ايدلمشدر .
بواراده سنيه نك اجراسنه عدليه ناظرى مأموردر . ۱۲ ربيع الاول ۳۳۴ ۴ كانون ثانى ۳۳۱

عدليه ناظرى صدر اعظم محمد رشاد
ابراهيم محمد سعيد

* *

قسطنونى استيناف محكمه سى رئيسى محمد توفيق افدينك وقوع وفاته مبنى يرينه درسعادته بولنان
ارضروم استيناف محكمه سى رئيس سالى مصطفى نظمى وارضروم استيناف محكمه سى رياسته كوتاهيه سنجاغى
استيناف محكمه سى مدعى عمومى ابراهيم هدايت وكوتاهيه سنجاغى استيناف محكمه سى مدعى عمومى ملكنه
مأذونا از ميرده بولنان بتليس استيناف مدعى عمومى على خاكي واطنه استيناف محكمه سى مدعى عمومى ملكنه
اطنه صلح حاكمى على مرتضى وارزنجان بدايت محكمه سى مدعى عمومى ملكنه ماجقه بدايت محكمه سى رئيسى
خليل شرف وماجقه بدايت محكمه سى رياسته لازستان بدايت محكمه سى اعضا سندن محمد رشدى وملاطيه
بدايت محكمه سى اعضا ملازملكنه بهنى بدايت محكمه سى مستنطقى محمد جمال وناپلس بدايت محكمه سى اعضا
ملازملكريته عكار بدايت محكمه سى مستنطقى كندن مستغنى محمد عاصم وناپلس بدايت محكمه سى مستنطق
اسبقى سليم افنديلىر نقل وتعيين ورأس العين وابوكال قضالرى مرا كزنده رياسته محلى قاضيلرى طرفندن
ايفا قيلمق اوزره برر بدايت محكمه سى تشكيل قلمشدر .

بواراده سنيه نك اجراسنه عدليه ناظرى مأموردر . ۱۲ ربيع الاول ۳۳۴ ۵ كانون ثانى ۳۳۱

عدليه ناظرى صدر اعظم محمد رشاد
ابراهيم محمد سعيد

* *

پتوركه قضاسنه عائد اوله رق معموره العزيز مركز بدايت واستيناف محكمه لرنده اليوم در دست رؤيت
بولنان مواد استينافيه وجنائيه كما كان مذكور محكمه لرنده نتيجه لندير ملك اوزره پتوركه بدايت محكمه سنيه
ملاطيه لوا بدايت محكمه سى مرجع استيناف اتخاذا اولنمشدر .

بواراده سنيه نك اجراسنه عدليه ناظرى مأموردر . ۱۷ ربيع الاول ۳۳۴ ۱۰ كانون ثانى ۳۳۱

عدليه ناظرى صدر اعظم محمد رشاد
ابراهيم محمد سعيد

* *

قونيه استيناف محكمه سى رئيسى سالم افدينك وقوع وفاته مبنى يرينه سيواس استيناف محكمه سى رئيس
سابقى اولوب اوراده بولنان نجاني وبك اوغلى بدايت محكمه سى اعضا لغنه درسعادت بدايت محكمه سى
اعضا سندن آرطور ودرسعادت بدايت محكمه سى اعضا لغنه يوزغاد استيناف محكمه سى رئيسى محمد بهاء الدين
وايدى استيناف محكمه سى اعضا سندن مهران افدينك عزيله يرينه ادرنه استيناف محكمه سى اعضا سابقه سندن
حسن شكرى وبغداد استيناف محكمه سى اعضا لغنه منتفك بدايت محكمه سى مدعى عمومى اسبقى اولوب بغداد
بوليس مكته مدير يتده بولنان صديق مظهر والبولكال قضائى بدايت محكمه سى مدعى عمومى ملكنه زور
بدايت محكمه سى اعضا سابقه سندن عبدالعزيز وييلديزايلى بدايت محكمه سى مدعى عمومى ملكنه توقاد بدايت
محكمه سى اعضا ملازمى محمد رشدى وسينوب بدايت محكمه سى اعضا لغنه صو شهرى بدايت محكمه سى مدعى
عمومى اسبقى عبدالعزيز وبتليس بدايت محكمه سى سر مستنطقى ملكنه اروه بدايت محكمه سى مستنطقى على رضا
وباليه بدايت محكمه سى مستنطقى ملكنه قره سى بدايت محكمه سى باش كاتى اولوب مستنطقى شهادتنامه سنى
حائر بولنان ممتاز وقنطره بدايت محكمه سى مستنطقى ملكنه طليله صور بدايت محكمه سى مستنطقى احمد زهدى
وصور بدايت محكمه سى مستنطقى ملكنه عجلون بدايت محكمه سى مستنطقى داور وچباچور بدايت محكمه سى
مستنطقى ملكنه بولانق بدايت محكمه سى مستنطقى يوسف صبرى وبتليس بدايت محكمه سى اعضا ملازملكنه
محكمه مذ كوره باش كاتى خلوصى وعلاوة تأسيس اولنان موصل مركز بدايت محكمه سى اعضا ملازملكنه
نصيين بدايت محكمه سى مستنطقى محمد قاسم افنديلىر نقل وتعيين اولنمش وارضروم بدايت محكمه سى اعضا سندن
شعبان وصفى افنديله بتليس بدايت محكمه سى اعضا سندن هارون وكغرى بدايت محكمه سى مستنطقى احمد
حمدى افندى ايله چركش بدايت محكمه سى مستنطقى محمد حمدى افنديلىر بجايشلرى اجرا وسيواس بدايت
محكمه سى اعضا سندن نعمان ناظم افندى محل مذ كور صلح حاكمك غيوبتده حاكمه مأذون قلمشدر .
بواراده سنيه نك اجراسنه عدليه ناظرى مأموردر . ۲۱ ربيع الاول ۳۳۴ ۱۴ كانون ثانى ۳۳۱

محمد رشاد

عدليه ناظرى صدر اعظم
ابراهيم محمد سعيد

* *

يوزغاد استيناف محكمه سى رياسته قونيه استيناف محكمه سى مدعى عمومى محمود حمدى وقونيه استيناف
محكمه سى مدعى عمومى ملكنه قسطنونى استيناف محكمه سى مدعى عمومى احمد رفيق واطنه صلح حاكمك
قسطنونى صلح حاكمى محمد نجيب وقسطنونى صلح حاكمك يوزغادده بولنان وان صلح حاكمى يوسف
ضيا ومصطفى پاشا قضائى بدايت محكمه سى مدعى عمومى ملكنه تحويل ايجاب ايدى قيصرى بدايت محكمه سى

مدعی عمومی یوسف ضیا و قیصری بدایت محکمه سی مدعی عمومیلکنه موافقته بناءً مصطفی پاشا قضای بدایت محکمه سی مدعی عمومی محمد اشرف افندیلر نقل و تعیین و بغدادده تشکیل اولنان غنائم بحریه محکمه سی ریاستی بغداد استیناف محکمه سی رئیس محمد عزت و اعضاقلری بغداد بدایت محکمه سی جزا دائره سی رئیس محمدنوری و استیناف محکمه سی اعضاسندن عبدالجبار و قومیسراکی ده محکمه مذکوره اعضا ملازمی نشئت افندیلر عهده سنه علاوه مأموریت اوله رق تفویض و ولش و کلیولی استیناف محکمه لری اعضاسندن سلیمان عاقل افندی ایله تکفور طاعی استیناف محکمه سی اعضاسندن احمد عزیزبک و خاصه بدایت محکمه سی مدعی عمومی احمد هدایت و جبه بدایت محکمه سی بدایت مدعی عمومی ماجد افندیلرک بجایشلری اجرا و سنه حالیه شباطی ابتداسندن اعتباراً تشکیل اولنان کرکوک بدایت محکمه سی اعضاملازمکی سلیمیه بدایت محکمه سی اعضاسندن و مکتب حقوق مأذونلرندن عبدالکریم افندی به تصحیحاً توجه قلمشدر .

بواراده سنیه نک اجراسنه عدلیه ناظری مأموردر .

۲۳ ربیع الاول ۱۳۳۴ ۱۶ کانون ثانی ۳۳۱

محمد رشاد

صدر اعظم
محمد سعیدعدلیه ناظری
ابراهیم

* *

منحل اولان محکمه تمیز اعضاقلنه درسعادت استیناف محکمه سی حقوق دائره سی رئیس احمد رفعت بک تعیین اولنشدر .

بواراده سنیه نک اجراسنه عدلیه ناظری مأموردر .

۲۳ ربیع الاول ۱۳۳۴ ۱۶ کانون ثانی ۳۳۱

محمد رشاد

صدر اعظم
محمد سعیدعدلیه ناظری
ابراهیم

* *

درسعادت استیناف محکمه سی حقوق دائره سی ریاسته درسعادت استیناف محکمه سی مدعی عمومی محمد زهدی افندینک نقلیه یرینه محکمه تمیز باش مدعی عمومیلک باش معاونی محمد جلال الدین بک تعیین اولنشدر .

بواراده سنیه نک اجراسنه عدلیه ناظری مأموردر .

۲۵ ربیع الاول ۱۳۳۴ ۱۸ کانون ثانی ۳۳۱

محمد رشاد

صدر اعظم
محمد سعیدعدلیه ناظری
ابراهیم

قوانین و نظامات

آلمانیا حکومتندن یکریمی میلیون لیرایه قدر بر آوانس اخذی ایچون مقاوله

عقدینه مأذونیتی متضمن قانون

ماده : ۱ آلمانیا حکومتندن خزینه تحویلاتی اوله رق یکریمی میلیون لیرایه قدر بر آوانس اخذی ایچون مقاوله عقدینه هیأت وکلا مأذوندر .

ماده : ۲ برنجی ماده موجبجه آوانس اوله رق آله جق خزینه تحویلاتی دیون عمومی عثمانیه اداره سنه بالتودیع مقابلنده اوراق نقدیه چیقارمغه مالیه ناظری مأذوندر .

ماده : ۳ ۱۸ تشرین اول ۱۳۳۱ تاریخلی قانونک ایکنجی و اوچنجی و دردنچی ماده لری حکمی ایکنجی ماده ده بیان اولنان اوراق نقدیه حقهدهده جاریدر .

ماده : ۴ اشبو قانون تاریخ نشردن اعتباراً مرعی الاجرادر .

ماده : ۵ اشبو قانونک اجراسنه مالیه ناظری مأموردر .

مجلس اعیان و مبعوثانجه قبول اولنان اشبو لایحه نک قانونیتی و قوانین دولته علاوه سنی اراده ایلدم .

۲۷ صفر ۱۳۳۴ و ۲۲ کانون اول ۳۳۱

محمد رشاد

صدر اعظم
محمد سعیدمالیه ناظر وکیل
طلعت

عدلیه نظارتی هیئت تفتیشیه سی نظامنامه سی صورتیدر

برنجی فصل

مواد عمومی

ماده : ۱ هیئت تفتیشیه محکمه تمیز دواثرندن ماعدا بالجمله محاکم و دواثر عدلیه نک امور و معاملاتتی تفتیش و حکام و مأمورین عدلیه نک احوال و حرکاتی تفحص ایتک صلاحیتی حار و طوغریدن طوغری به عدلیه ناظرینه مربوطدر .

ماده : ۲ هیئت تفتیشیه بر رئیس ایله لزومی قدر مفتشدن مرکب و رئیس ایله مفتش بااراده سنیه منصوب اولوب رئیس اصلاحات عدلیه انجمنك دخی اعضاسنددر .

ماده : ۳ تفتیشات اجرایی و مفتشردن ورود ایدمك لوايح و اوراق سائرین تدقیق و معاملات تفتیشیه بی تعقیب خصوصارنده رئیس معاونت ایتك و نظارتدن آله جقلری امر اوزرینه تفتیشاتده بولنق اوزره مفتشردن لااقل اوچی مناوبه طریقله و معین مدتله مرکزده بولندیرلور .

ماده : ۴ معاملات تحریریه و قیودیه بی ایفا ایتك اوزره مرکزده بر میز ایله لزومی قدر مسود و میضدن و بر مقید و بر مقید معاونندن مرکب بر هیئت تفتیشیه قلمی و ولایاتده هر مفتش رفاقتنده بر کاتب بولنور .

ماده : ۵ عدلیه مفتشلی اوج صنف اولوب برنجی صنفدن بش ، ایکنجی صنفدن سکر مفتش وارد . اوچنجی صنف مفتش لرك عددی لزوم و احتیاج نسبتنده عدلیه ناظری طرفندن تعیین اولور . برنجی صنف مفتش لرك معاشی بش بیک ، ایکنجی صنفك معاشی درت بیک ، اوچنجی صنفك معاشی اوچیک غروشدور .

ایکنجی فصل

وظیفه و صلاحیت

ماده : ۶ هیئت تفتیشیه رئیسك وظیفه سی و صلاحیتی بروجه آیدر :

اولا : هیئت تفتیشیه نك انتظام و اداره سینه و هر مفتشك زرده ایفای وظیفه ایدمك متعلق بالمله قرار و تدبیرلری احضار و مفتشلره ویریهك اوامر و تملیاتی و تفتیش پروگراملری تنظیم ایتك ؛

ثانیاً : تفتیشاتی حاوی مفتشردن ورود ایدن لایحه لری بالتدقیق نتایج حاصله یه کوره اتخاذه لزوم کوریهك تدابیری عائد اولدینی شعبات مرکزیه اعتباریه آیری آیری مذکرله مقام نظارته بیان ایتك ؛

ثالثاً : نظارتك تصویبیه اقتراان ایدن تدابیرك معاملات تطبیقه سی تعقیب ایتك ؛

رابعاً : مفتشردن ورود ایدن لوايح عمومیه بی بالتدقیق نتایج حاصله سی علاوه مطالعه ایله تحریراً نظارته بیلدیرمك ؛

خامساً : تفتیشاتك نتایج عمومیه سندن متحصل احواله نظراً قوانین و مؤسسات عدلیه ده اجرایی مقتضی تعدیلات و اصلاحات و تشکیلاته دائر مقام نظارته لایحه لر اعطا ایتك ؛

سادساً : مفتش لر طرفندن کوندربلان مساعی جدوللری تدقیق و بولنری تفتیش پروگرامیه مقایسه ایدرک هر مفتشك طرز مساعینی مراقبه دائمه تحتده بولندیرمق ؛

سابعاً : سیرتلیرینه دائر مفتشلره اجرایی لازم ککن تبلیغات و حقارنده ترتیبی مقتضی مجازات انتباهیه دائر بیان مطالعه ایتك ؛

ثامناً : لوايح تفتیشیه ده کوریهك نواقصك اکالی و مبهم اولان جهاتك استیضاحی کی معاملات متعلق طارانی طوغریدن طوغری به ایفا ایتك ؛

تاسعاً : ناظرک تصدیقه اقتراان ایدن پروگرام وجهله لدی الحاجه طوغریدن طوغری به تفتیشاتده بولنق وائنی تفتیشاتده مطلع اوله جفی سوء احوال و معاملات ایله ناظر طرفندن امر اوله جق خصوصات حقنده تحقیقات اجرا ایتك .

ماده : ۷ مفتش لرك وظیفه و صلاحیتلری بروجه آیدر :

اولاً : تعلیماتمه مخصوصی و بونی موضع محررات عمومیه و اوامر مبلعه احکامنه توفیقاً ویدلرینه لربلن پروگرامی تعقیباً محاکم و دوائر عدلیه نك امور و معاملات تفتیش و حکام و مأمورین عدلیه نك حال و حرکت و سیرتلیری تفحص وائنی تفتیشده مطلع اوله جقلری سوء احوال و معاملات حقنده علی الاصول تحقیقات اجرا ایتك و استحصال ایله جقلری نتایجی مدلل و موضع لایحه و نمونه سینه مطابق سیرت و رقلری و فذلکلی اوراق تحقیقه ایله نظارته بیلدیرمك ؛

ثانیاً : نظارتدن و یا خود اداره عمومیه ولایت قانونك ایکنجی و اون دردنجی ماده لری موجبجه والیر ایله غیر ملحق لوا متصرفلرندن تلقی ایدمك جقلری امر و تبلیغ اوزرینه اقتضا ایدن تحقیقاتی اجرا ایتك ؛

ثالثاً : محاکم و دوائر عدلیه نك شهری مشاغل و احصائیات جدوللری تدقیق ایله ایجابی اجرا ایتك

رابعاً : مرتبه اولی مأمورینك انتخاب و عزللرینه دائر ولایات والیه عدلیه انجمنلری طرفندن ویرلن فرارلک اصول و شرائط موضوعه سینه موافق اولوب اولدینقی صورت دائمه ده مراقبه ایتك ؛

خامساً : هر سنه تفتیشیه ختامنده دائره تفتیشه سی احوال و معاملات عمومیه سیله حکام و مأمورین عدلیه حقنده بر لایحه عمومیه تنظیم ایله نظارته تقدیم ایتك .

ماده : ۸ مفتش لربلن سیار اولوب انجق مأمور اولدقلری ولایت مرکزی کندولری ایچون مرکز مأموریت عد اولنور .

ماده : ۹ مفتش لربلن تفتیش و تحقیقه اوراق و دفاتر لازمه بی تدقیق و معاینه ولدی الحاجه بولنرک مصدق صورتلری اخذ ایدمك بیلرلر ایسه ده بولنرک اصللری هیچ بر سبب و بهانه ایله محکمه نك بولندینی بنای رسمیدن خارجه چیقارمزلر . شو قدرکه اوزرنده آثار جرم کوریلن اوراق و دفاتر مدعی عمومیه کجه ایشه وضع ید ایدیلنجه یه قدر تحریفات اجرا و یا بولنرک بوسبتون احسانی منع ایدمك تدابیر اتخاذه مفتش لربلن مآذوندر .

ماده : ۱۰ مفتش بالجله دوائر و مأمورین حکومتدن وظیفه تفتیشیه و تحقیقه لرینه متعلق اولدیغنه قانع بولندقلری رسمی معلوماتک اعطاسنی و عندالایجاب اوراق اصلنک اراده سنی و یا صورت مصدقه سنک تودیعنی طلب ایلک صلاحیتنی حائزدرلر .

مفتش وظیفه تفتیشیه متعلق خصوصاً افراد ناسنک معلوماتنه دخی مراجعت ویدلرنده کی اوراقی مطالعه ولدی الحاحه صورتلری استنساخ ایده بیلرلر .

ماده : ۱۱ مفتش نظارتدن مصدق پروگراملری حرفیاً تطبیقه مجبور اولوب احوال غیرمنتظره ببناء انک تعدیلنه مجبوریته حسن ایتدکلرنده اسباب موجب سنی نظارته اشعار ایل آله جقلری امره توفیق معامله ایلجه جکلردر .

ماده : ۱۲ مفتش تفتیش ایتدکلری هر محکمه و یا دائرة عدلیه نکه معاملاتنی ناطق بر لایحه تنظیم و مندرجاتی توثیق ایده جک اوراق استیضاحیه و سائر مهی مذکور لایحه یه ربط ایده جکلر و بونلری حکام و مأمورین عدلیه نکه سیرت لرینه دائر املا اولنه جق ورقه لرله برلکده بلا تأخیر نظارته کوندره جکلردر . مفتش طرفندن مرسل بالجله اوراق ولوایح نظارت اوراق قلمنجه نومرولری دفتر مخصوصه قید ایدلکدن صکره آچیلقمسزین هیئت تفتیشیه ریاستنه تودیع ایدیه جکلردر .

ماده : ۱۳ مفتش برای تفتیش کیده جکلری محلی شیفره لی تلغرافله نظارته بیلدیره جکلردر .

ماده : ۱۴ مفتش تفتیشات و تحقیقاتده بالذات ایفای وظیفه یه مجبور و آخری توکیلدن ممنوعدرلر .

ماده : ۱۵ هر مفتش زمانی نه صورتله استعمال ایتدیکنی منتظماً و کونی کونه بر جدول مخصوصه قید ایده جک و بونک بر صورتی هر آی نهایتده هیئت تفتیشیه ریاستنه کوندره جکلردر . بوجهتک بردفعه اولسون اهالی اخطاری مستلزمدر .

ماده : ۱۶ مفتش طرفندن اوراق وارده و صادره ایچون تاریخ و نومرو تحتنده منتظم بر قیددقزی طوتیه جق و بالجله مخبره اوراق ایله و نائق رسمیه سائر و اوراق صادره مسوده لری تاریخ و نومرو صره سیله ترتیب و محافظه اولوب حین انفکاک کنده تماماً منتظم بر حالده خلفنه دور اولنه جکلردر .

ماده : ۱۷ مفتش کندیلرینه تودیع اولنان شیفره مفتاحنی بالذات حفظ ایده جکلر و انفکاکلرنده اشبو مفتاحی بالذات خلفلرینه تسلیم ایتک و یا خلفلری بولندیغنی حالده بر ظرف ایچنده مختوماً براقی صورتیه دور ایلجه جکلردر .

ماده : ۱۸ مفتش لک یدینه عدلیه ناظری طرفندن ممضی بر هویت جزو دانی اعطا اولنور . مفتش ایجابنده بونی اراده ایله صفت مأموریتلری اثبات ایدرلر .

اوچنجی فصل

ترقی

ماده : ۱۹ اوچنجی صنفده بالفعل وظیفه تفتیش ایله اشتغال ایدرک متوالیاً اوچ سنه حسن خدمت ایدن مفتش لک ایکنجی صنفه و ایکنجی صنفده کذلک بالفعل وظیفه تفتیش ایله اشتغال ایدرک درت سنه حسن ایفای وظیفه ایدن مفتش لک دخی برنجی صنفه منحل و قوعنده ترفیع اولنورلر . فقط بر سنه ظرفنده استحصالی ایدلش اولان مآذونیت مدتی بر آیه قدر اولدیغنی حالده تمامی و زیاده بولندیغنی تقدیرده یالکیز بر آیی بومده محسوب ایدیلور . برده مفتش لردن اهلیت و مساعی فوق العاده لرینی کوندرمش اولدقلری خصوصی و عمومی لایجلر ایله بالانبات رفقای آراسنده تمیز ایتیش اولانلرک ترفیع قدملرینه هر صنفده بر دفعه آلتی آی ضم اولنه بیلور .

ماده : ۲۰ صنف حکامدن و مأمورین سائر نظارتدن مفتش لک نقل و تعیین ایدیلنلرک مفتش لکده یکیره جکلری مدتلر مأموریت سابقه لری قدمنه ضم اولنورق اکا کوره مأمورین عدلیه نکه انتخابی حقنده کی قواعد و احکام دثره سنده حق ترفیعلری محفوظ قالیر .

ماده : ۲۱ بالجله مأمورین تفتیشیه نکه انتخاب و ترفیع صنف و عزلنده هیئت تفتیشیه رئیسینک مطالعه سنی آلنور .

درونجی فصل

مجازات

ماده : ۲۲ عدلیه مفتشلری حقنده تطبیق اولنه جق مجازات انتباهیه اخطار و سجنه قید و اشارت ایدلک اوزره توبیخ و آلتی آیی تجاوز ایتامک اوزره حق ترفیعدن محرومیت و بر درجه تنزیل صنف و عزل خصوصلردن عبارتدر .

ماده : ۲۳ ماده سابقه ده کوستریلان مجازات انتباهیه مستلزم جزا اولان حرکتلرک درجه سنه کوره هیئت تفتیشیه رئیسینک تکلیفی اوزرینه عدلیه ناظری طرفندن تعیین واجر اولنور .

ماده : ۲۴ بر سنه ظرفه ایکی دفعه اخطار جزا سنه دوچار اولان مفتش حقنده اوچنجی دفعه یه جزا ترتیبی لازم کلیر ایسه اشبو جزا سجنه اشارت ایدلک اوزره توبیخ جزا سندن دون اولمایه جکلردر . اوچ سنه ظرفنده ایکی دفعه توبیخ جزا سنه دوچار اولان مفتش حقنده اوچنجی دفعه بر جزا ترتیبی لازم کلیر ایسه اشبو جزا ترفیعدن محرومیت جزا سنندن دون اولمهز . ایکنجی دفعه اوله رق ترفیعدن محرومیت جزا سننه دوچار اولدیغنی تاریخدن اعتباراً اوچ سنه ظرفنده یه بر جزا ترتیبی مستلزم حرکته بولندیغنی آکلاشیلان

مفتش بر درجه تنزیل صنف یا دیگر بر مأموریت نقل و یا عزل جزاسنه دوچار ایدیلور بو صورتله عزل ایدیلنلر بردها امور تفتیشیه ده استخدام ایدیلنلر .

ماده : ۲۵ انشای تفتیشیه بعض سوء استعمالاته مطلع اولدینی حالده هر نه صورت وسیله اولور ایسه اولسون میدان چیقارمیان و یا شکل آخره قلب و یا ستر ایدن و یا معصوم بر مأموره اسنادات غیر صحیحده بولنان مفتش بردها مفتشلکده استخدام ایدلماک اوزره عزل ایدلکله برابر حرکتی قانوناً مستلزم جزا افعالن اولدینی حالده حقنده آریجه تعقیبات اجراسی ایجاب ایدنلره تبلیغ ایلنور .

ماده : ۲۶ مفتشک پروگراملری محتویاتندن و معاملات تحقیقه و تفتیشیه نتایجندن آخرلرینی خبردار ایتلری و برای تفتیش و تحقیق عزیمت ایده جککری محللری اولجه اشاعه و اعلام ایتلری ممنوعدر .

ماده : ۲۷ مفتش حکام و مأمورین عدلیه و اشراف بلده نزدنده مسافر قالمق و بونلر طرفندن عرض اولنه جق خدماتی و هر نوع هدایای و واقع اوله بیلجهک توصیه و التماسلری قبول ایتکدن و وظیفه تفتیش و تحقیق ایجاباتی خارجنده کندیلریله مخبرانده بولنقدن ممنوعدر .

بشعجی فصل

مفتشلره و یریلجهک خرجراه و یومیه

ماده : ۲۸ برای تفتیش و تحقیق مرکز مأموریتلرندن تباعد ایدن مفتشلره واپور و شمندوفردن ماعدا وسائط ایله قطع ایتدککری مسافاته مقابل ساعت باشنه اون غروش خرجراه و یریلجهکدر .

مرکز مأموریتلری خارجنده وظیفه تفتیش ایله مشغول اوله جکلری ایام ایچون آریجه آلتش غروش یومیه اعطا اولنه جق و واپور و شمندوفره قطع ایده جککری مسافات ایچون یالکز مصارف حقیقیلری تسویه ایدیلجهکدر مرکز مأموریتلرنده بولنان مفتشلره برکونه یومیه و خرجراه اعطا اولنیه جقدر .

ماده : ۲۹ مفتش هر آی نهایتده قبض ایتدککری یومیه لریله خرجراهلری مین بر جدول تنظیم و هیئت تفتیشیه ریاسته ارسال ایده جکلردر .

ماده : ۳۰ مرکز خارجنده اجرا قلنه جق تفتیشات مدتی کمال جدیت و سرعتله ایفای وظیفه ایدیله بیلجهک صورتده حساب اولنه جقدر .

حین تطبیقده بومدتک لزومسز بر صورتده اوزاتلدینی نظارتجه اکلاشیلور ایسه فضله صرف اولنان کونلرک یومیهلری استرداد اولندقدن ماعدا بونک قصداً اختیار ایدلش اولدینی تبیین ایلرسه مفتش حقنده آریجه مجازات انتباهیه اجرا ایدیلجهکدر .

ماده موقته

ماده : ۳۱ اشبو نظامنامه نك تاريخ نشرنده مستخدم بولنان هیئت تفتیشیه رئیس رفیقاریله مفتشلر ارجعجی صنفندن مفتش عد ایدیلجهک و شوقدر که ترفیعلری ایچون معین اولان مدتک حسابنده رفاقه و مفتشلکه مبدأ تعیینلری اساس اتخاذ اولنه جقدر .

ماده : ۳۲ اشبو نظامنامه نشری تاریخندن معتبردر .

ماده : ۳۳ اشبو نظامنامه نك اجراسنه عدلیه ناظری مأمورددر .

اشبو لایحه نظامیه نك موقع مرعیته وضعی و نظامات دولته علاوه سنی اراده ایلدم .

۱۲ صفر سنه ۱۳۳۴ ۷ کانون اول ۱۳۳۱

محمد رشاد

داخله ناظری و مالیه ناظر و کیلی	حربیه ناظری و بحریه ناظر و کیلی	شیخ الاسلام و اوقاف هایون ناظری	صدر اعظم
طلعت	انور	خیری	محمد سعید
عدلیه ناظری و شورای دولت رئیس و کیلی	معارف ناظری و پوسته و تلفراف و تله فون ناظر و کیلی	خارجیه ناظری	خلیل
ابراهیم	احمد شکری		

نافعه ناظری	تجارت و زراعت ناظری
عباس	احمد نسیمی

تشکیلات جدیده اجرا ایدلشمش اولان لوا و قضالر بدایت محاکمی اعضاسنك صورت انتخاب و تعیینلری حقنده قانون

ماده : ۱ هنوز تشکیلات جدیده اجرا ایدلشمش اولان لوا و قضالر بدایت محاکمی اعضاسی قید نویندن آزاده اوله رق دیگر مرتبه اولی مأمورینی کی اهلیت عدلیه و اوصاف قانونیه بی حائز اولمق شرطیله سنوی لاقول یوز الی غروش و یرکو ایله مکلف اولان ذواتدن و بولنه مدینی تقدیرده علی الاطلاق اهالی محلیدن ولایت انجمن عدلیه سنجه انتخاب و نظارتجه تعیین اولنورلر .

ماده : ۲ اشبو قانونك اجراسنه عدلیه ناظری مأمورددر .

قوة اجرائیه چه ۱۸ ربیع الاخر ۱۳۳۱ و ۱۴ مارت ۱۳۳۹ تاریخنده تنظیم و موقتاً موقع تطبیقه وضع اولنان اشبو قانون لایحه سی ۱۴ کانون اول ۳۳۱ تاریخنده مجلس عمومیه چه تعدیلاً قبول ایدلشددر .

مجلس اعیان و مبعوثانجه قبول اولنان اشبو لایحه نك قانونیتی و قوانین دولته علاوه سنی اراده ایلدم .

۲۸ صفر ۱۳۳۴ و ۲۳ کانون اول ۱۳۳۱

محمد رشاد

عدلیه ناظری	صدر اعظم
ابراهیم	محمد سعید

تبليغات عومريه

عمریه نظارت جلیله سنده ۲۱ تشریبه تانی ۳۳۱ تاریخده ولایات والویه مستقر ایلد مأموریه عمریه تبلیغ

ایمیلون نحریات عمومی صور تیرر :

« خسته مأمور لر حقنده »

یولسز اوله رق آچیغه چیقارلدیغندن وحقنده جریان ایدن معامله خسته مأمور لر عائد مقرراته و مخالف اولدیغندن بحث ايله اعاده مأموریتی و مترکم معاشاتنک اعطاسی استدعاسی حاوی استانبول ولایتی و ملحقاتی زراعت بانک شعبه سی محاسبه جیسی رفعت افندی طرفندن ویربان مر فخاللر شورای دولته لدی الحواله بوباید تجارت و زراعت نظارت جلیله سیله جریان ایدن مخابر. واجرا اولنان تدقیقات اوزرینه خسته لکندن طولانی استحصال مآذونیت ایده جک مأمورین حقنده تنظیمات دائره سنجه اتخاذ ۸ نیسان ۳۲۸ تاریخده تعیملاً دوائر تبلیغ ایدلمش اولان قرارک دوام مرعیتی لازم کله جکنه و امید شفا منقطع اولمادینی حالده مدت مآذونیتلری ایکی سنه یه بالغ اولیان خسته مأمورینک نهایت بومده رسیده اولنجه یه دکن تمديد مآذونیتلرینه دوائرک مجبور ایدلمسی و بومدتن فضلہ مآذونیت اعطاسندن ده منع اولنسی مقتضی بولندیغنه و متفرعاتنه دائر اولوب ۱ تشرین تانی ۳۳۱ تاریخلی تذکره سامیه ایلد ارسال ایدلمش اولان شورای دولت ملکیه و معارف دائره سنک بش یوز نومرولی و ۲۵ اغستوس ۳۳۱ تاریخلی مضبطه سیله هیأت عمومیہ سندن یازیلان ۱۲ تشرین اول ۳۳۱ تاریخلی ذیلک صورتلری مأمورین عدلیه یه لاجل التبلیغ استیناف مدعی عمومی لکنه تودیع بیورلق اوزره لفا کوندردلی .

عمریه نظارت جلیله سنده ۱۴ ثانیه تانی ۳۳۱ تاریخده بالعموم استیناف مدعی عمومی لکترین تبلیغ ایمیلون

نحریات عمومی صور تیرر :

« رؤی محافظه مأمورلرینک استعمال ایلکده اولدقلری اسلحه یه دائر »

انحصار دخان قانوننک آتش برنجی ماده سی حکمنجه سلاح طاشیمغه حائر صلاحیت اولان رؤی محافظه مأمورلرینک ایفای وظیفه اثناسنده ایقاع ایلد کلری جرائمدن دولایی اجرا قلنان محاکمه لرنده طاشیدقلری سلاح ذات و شخصلرینه و یا خود رؤی اداره سنه عائد اولوب اولمادینی نظر تدقیق و تأمله آنففسرین بوکی اسلحه نک قانون جزانک اون ایکنجی ماده سنک دائره شمولته ادخال ایدیلرک مصادره سنه قرار ویرلمکده اولدینی خداوندکار عدلیه مفتشلکندن واقع اولان اشعارتدن اکلا شلمشدر .

جنایت و جنجه یه متعلق مواده جرمدہ استعمال اولان اشیانک جرمدہ ذی مدخل اولیان اشخاصه عائد اولمادینی حالده ضبط اولنجه یه جکی واعمال واستعمالی جرم تشکیل ایدن اشیانک مطلقاً ضبط و مصادره ایدیلرک جکی قانون جزانک اون ایکنجی ماده سنده مصرح ایسه ده رؤی محافظه مأمورلری انحصار دخان قانوننک سالف الذکر آتش برنجی ماده سی حکمنه توفیقاً سلاح طاشیمغه مآذون اولدقلرینه کوره بونلرک سلاح طاشیمسی جرم تشکیل ایتیه جکی مثللو جرمدہ استعمال ایدیلن اشیانک ضبطی دخی اشیای مذ کوره نک جرمدہ ذی مدخل اولیانلره عائد اولمامسی قیدیه مقید اولوب آخره عائدیتنک تحقیق حالده ضبطنه قرار اعطاسی قانوناً رهین جواز اوله مایه جفندن احوال ممائلده جرمک ایفای وظیفه دن تولد ایدوب ایتدیکنک ورزی مأمورلرینک استعمال سلاحه مآذون بولنوب بولنمادقلرینک و طاشیدقلری سلاحک کیمه عائد بولندیغنک تدقیقه تبیین ایده جک حاله کوره ایفای معامله ایدلمسی بالعموم استیناف مدعی عمومی لکترین تبلیغ قلنمش اولغه دائره مأموریتلری داخلنده کی محاکمه ده اولوجهله معامله ایفا اولنق اوزره اشبو تحریراتک نسخ کاپیسی لاجل التوزیع لفا ارسال قلندی .

عمریه نظارت جلیله سنده ۱۶ ثانیه اول ۳۳۱ تاریخده بالعموم استیناف مدعی عمومی لکترین تبلیغ

ایمیلون نحریات عمومی صور تیرر :

« مدت مآذونیتی ختام بولان حکام و مأمورین عدلیه حقنده »

استحصال مآذونیت ایدن حکام و مأمورین عدلیه دن بعضیلرینک مدت مآذونیتلرینک ختامیه برابر مرکز مأموریتلرینه عودت ایتیه مکده اولدقلری جریان مخابره دن اکلا شلمقه در . خرج راه قرارنامه سنک اولن بشنجی ماده سی برمدت موقته و معینه ایلد رخصت رسمیه استحصال ایده رک مرکز مأموریتلرندن تباعد ایدن مأمورلر، اومتد ظرفنده عودت ایتزلر ایسه تعیین اولنان مدت مآذونیتک انقضاسی تاریخندن اعتباراً مرکز مأموریتلرینه مواصلتلرینه قدر معاشلری قطع اولنجه یه صراحتی احتوا ایلد مکده اولدیغندن اوصورتله مدت مآذونیتلرینی تجاوز ایتدیرن عدلیه حق لرنده ماده مذ کوره حکمنک بهمه حال تطبیق اسبابنک استحصالی نوصیه اولتور اقدم

عمریه نظارت جلیله سنده ۲۴ ثانیه اول ۳۳۱ تاریخده بالعموم استیناف مدعی عمومی لکترین تبلیغ ایمیلون

نحریات عمومی صور تیرر :

« مرکز مأموریتلرندن تباعد ایدن مفتشلرک قطع ایده جکلری مسافات خرج راهلری حقنده »

۲۳ کانون اول ۳۳۱ تاریخلی تحریرات عمومیہ ایلد ولایتیه تبلیغ اولنان و تقویم وقایعک ۱۶ کانون اول ۳۳۱ تاریخلی وایکی بیک اوچ یوز طقسان ایکی نومرولی نسخه سیله نشر ایدیلن نظارت هیئت تفیشیه نظامنامه سنک

یگر می سکنجی ماده سنده برای تفتیش و تحقیق مرکز مأموریتلوندن تباعد ایدن مفتشلره واپوروشمندوفردن ماعدا وسائط ایله قطع ایتدکاری مسافاته مقابل ساعت باشنه اون غروش خرج راه ویریه جکی و مرکز مأموریتلری خارجنده وظیفه تفتیش ایله مشغول اوله جقلری ایام ایچون آیریجه آلتش غروش یومیه اعطا اوله جفی و وائور و شمندوفر ایله قطع ایده جکلری مسافات ایچون یالکز مصارف حقیقیه لری تسویه ایدیلوب مرکز مأموریتلوندن بولنان مفتشلره برکونا یومیه و خرج راه اعطا ایدلیه جکی کوسترلش و حکم نظامنامه تاریخ نشردن اعتباراً مرعی طوتلش اولسلیه مفتشلرک یومیه و خرج راه و مصارف حقیقیه لرینک بر موجب نظامنامه تسویه اولنسی ویدلرندکی جزدانلرک خرج راه جدوللرینک بالاسنده محرر « عدلیه مفتشلری خرج راهنک » عباره سنده کی عدلیه مفتشلری جمله سندن صکره « یومیه و مصارف حقیقیه سیله » کله لری علاوه ایدیلورک بوجدوللرک کافی السابق بوسنه لک یومیه و خرج راه و مصارف حقیقیه ایچون استعمال ایدلسی و فقط آله جق یومیه و خرج راهلرک و مصارف حقیقیه نک بشقه جه کوسترلسی و یومیه و خرج راه و مصارف حقیقیه نک خرج راه ترتیندن و خرج راه کی بعده حواله نامه سی طلب ایدلک اوزره تسویه سی لازم کله جکی محاسبه مدیریتی افاده سیله تعمیماً تبلیغ اولنور .

عمریه نظارت جلیله سنده ۲۴ لانونه اول ۳۳۱ تاریخنده بالعموم استیناف مرعی عمومیلکطریه تبلیغ ایدیلن تحریرات عمومی صورتیر :

« رؤسای مأمورین ملکیه ویریلن اخبارنامه لرله اوراق اشتکائییه حقنده »

جرائمه متعلق اوله رق افراد اهالی طرفندن رؤسای مأمورین ملکیه یه اعطا ایدلکده اولان اخبارنامه لرله اوراق اشتکائییه نک مأمورین مومی الهم جانبدن ژاندارمه ویا پولیس دائره لرینه تودی حقلرند جرام عادی و خفیفه اسناد اولتان اشخاصک بلاموجب اوراقیله برلکده پولیس و ژاندارمه مرکز لرینه سوق ایدلرینی و بالتیجه کونلرجه تحت نظارتده قالمق صورتیله حریت شخصیه لرینک تحدیدی استلزام ایلکده اولدینی جریان ایدن خابراتدن اکلاشلمسی اوزرینه بوبابده سبق ایدن اشعاره جواباً داخلیه نظارت جلیله سندن وارد اولان ۲۰ اغستوس ۱۳۳۱ تاریخلی تذکرده احوال بمائده تحقیقاتک تسریعیه خلاف قانون اوله رق هیچ برکسه نک ادامه موقوفیتیه میدان ویرلامسی و نتیجه تحقیقاته کوره اوراق تحقیقیه نک بلا تأخیر مدعی عمومیلک مأموریتلرینه ارسالی لزومک ولایات والویه غیر ملحقیه تعمیماً تبلیغ قلندینی بیسایرلش اولمقله بویکی خصوصاً مدعی عمومیلکله رجه ده نظارت و تقیدات مقتضیه ده بولنله رق هیچ بر شخصک بلا سبب قانونی موقوفیتیه محل ویردیرلامسی اسبابنک استکمالی ضمننده اشبو تحریراتک نسخ کافی سی لاجل التوزیع لغاً ارسال قلندی .

عمریه نظارت جلیله سنده ۲۹ لانونه اول ۳۳۱ تاریخنده بالعموم استیناف مرعی عمومیلکطریه تبلیغ ایدیلن تحریرات عمومی صورتیر
« وثیقه عسکریه سی اولمایان مأمورلر حقنده »

۱۴ کانون اول ۳۳۱ تاریخلی تحریرات عمومی یه ذیلدر . وثیقه عسکریه یی حائر اولمایان مأمور استخدا منه و بناء علیه قانوناً مستلزم مواخذة حالاته میدان قالماق اوزره دوائر مرکزیه ده مدیرلر و مرکز ولایات محاکمه مدعی عمومیلر جانبدن وثیقه یوقلمه سی اجراسی و فیما بعد وثائق عسکریه یی حامل اولمایانلره بر خدمت تکلیف و تفویض اولنماسی سجل مدیریتی افاده سیله تعمیماً تبلیغ اولنور .

عمریه نظارت جلیله سنده ۲۱ لانونه اول ۳۳۱ تاریخنده بالعموم ولایات والویه مستقبریه تبلیغ ایدیلن تحریرات عمومی صورتیر :
« روم ایلی مهاجرلرینک وکالتنامه لری حقنده »

۱۱ نیسان ۳۳۱ تاریخلی تحریرات عمومی یه ذیلدر . روم ایلینک اداره اجنیه یه کچن محللرند متصرف اولدقاری اموال منقوله و غیر منقوله لری حقنده روم ایلی مهاجرلرینک تنظیم ویا تصدیق ایدیره جکلری وکالتنامه لر ایله سائر کافه اوراقک تمقا رسمندن ماعدا هر نوع خرج ورسومدن و حجاز تیمور یولی اغانه سندن معفو اولدقارینه دائر قوه اجرائیه جه ۳۱ مارت ۱۳۳۱ تاریخنده تنظیم و موقتاً موقع تطبیقه وضع اولنان قانون لایحه سی مجلس اعیان و مبعوثانجه بوکره عیناً قبول ایدیلورک ۲۳ کانون اول ۳۳۱ تاریخنده اراده سنیه حضرت پادشاهی یه اقتران ایتمشدر .

محکمہ تمیز مقرراتی

محکمہ تمیز مقرراتی

محکمہ تمیز استدعا دائره سنده صادر اولوب ۱۹ لانونه نالی ۳۳۱ تاریخنده قراره ربط اولنانه عموم صورتیر :
« محکمه ایله مستنطق بیننده جریمک درجه سی حقنده حادث اولان اختلاف محکمه تمیزجه حل ایدلک لازمدر . »

طریزون ولایتی هیئت اتهامیه سیله ولایت مذکوره بدایت محکمه سی جزا دائره سندن صادر اولان قرارلرک یکدیگرینه ماینشندن ناشی تعیین مرجع دعوی طلبنی حای محکمه مذکوره مدعی عمومیلکی طرفندن ویریلن استدعاینامه و متفرعاتی باش مدعی عمومیلک مأموریت علیه سندن باتبلیغنامه محکمه تمیز استدعا دائره سنده تودیع اولمقله قرائت اولندی .

اوراق موجوده مألبرینه نظراً ابراهیمک کوزینه شمسیه ایله اورمق صورتیه رؤیتدن اسقاط ایلدیکی ادعا اولنان حسین بن مقدادک جنحه ایله لزوم محاکمه سینه دائر مستطقی طرفندن ویریلن قرار اوزرینه محکمه مذکوره جه سبق ایدن محاکمه نتیجه سنده جرمک جنایت درجه سنده اولدیغه دائر ویریلن قراره تبعاً مذکور مستطقلکجه فعلک جنایت درجه سنده اولدیغی قرارگیر اولمش وقرار مذکور علیه وقوعبولان اعتراض اوزرینه هیئت اتهامیه جه فعل مذکورک جنحه نوعندن اولدیغه قرارویرلمش اولسندن ناشی مقررات مذکوره بیننده شووجهله حاصل اولان اختلافک حلی طلب اولمش وتبلیغنامه ده دخی محکمه بدایتک قراری مصیب وبنابرین عکس مطالعاتی وفعلک جنحه نوعندن اولدیغی تضمین ایدر هیئت اتهامیه نک قرارینک رفی مقتضی بولنش اولغله دعوانک تعیین مرجعی طلب اولمشدر .

ایجاب کیفیت لدی المذاکره مستطقی طرفندن جنحه درجه سنده کوریلن جرمک جنایت درجه سنده بولندیغه دائر محکمه بدایتدن صادر اولان قرار دائره استنطاقه اعاده اولنسی اوزرینه محکمه قرارینه اتباعاً دائره مذکوره جه فعلک جنایت درجه سنده بولندیغی قرارگیر اولمش واشبو قرارعلینده مدعی عمومیلکجه وقوعبولان اعتراض اوزرینه هیئت اتهامیه جه فعل مذکورک جنحه نوعندن اولدیغه قرار ویرلمش وشو صورتله محکمه ایله هیئت اتهامیه بیننده اختلاف ظهوره کلش ایسه ده مستطقلک ابتداء اصدار ایتیش اولدیغی جنحه قراری کسب قطعیت ایدرک اساساً اختلاف ومستطقی ایله محکمه بیننده جاری ایکن بر مقتضای حکم قانون اشبو اختلافک تمیزاً حلی جهت کیدلیه رک ایشک مستطقه اعاده سی وانک دخی محکمه قرارینه اتباعاً ایکنجی دفعه اوله رق فعلک جنایت درجه سنده بولندیغه دائر قرار اصدار ایتیشی ومدعی عمومی ایله هیئت اتهامیه جه اولجه کسب قطعیت ایتیش اولان مستطقی قرارنامه سی نظر اعتباره النمایه رق ایکنجی قرار علینده وقوعبولان اعتراض اوزرینه قرار مذکورک تدقیق وفسخنه قیام اولنسی مغایر قانون بولنش واساس ماده تعطیل عضودن عبارت وتحقیقاتک حال حاضرینه نظراً جنایت درجه سنده کورلمش اولغله مستطقی طرفندن صادر اولان برنجی قرارنامه ایله هیئت اتهامیه مضبطه سنک رفیله بدایت محکمه سی قراری وجهله کیفیتک تدقیق ضمنتده اوراق متعلقه سنک هیئت اتهامیه اعاده سنه ۱۹ کانون اولسنه ۳۳۱ تاریخده اکثریتله قرارویرلدی .

حکمه تمیز استعدا دیره سنده صادر اولوب ۲۲ ثانیه اول ۳۳۱ تاریخده قراره ربط اولنانه اعموم صورتیر :

« اورمان تخریباتک جزای نقدیسی جرمک درجه سنه کوره طقسان لیرای تجاوز ایده بیله جکمه نظراً اورمان جرائمندن متولد دعوالر محاکم صلیحه ده رؤیت ایدیله من . »

طربزون ولایتی مرکز بدایت محکمه سی جزا دائره سندن استینافاً صادر اولان ۱۰ تشرین ثانی ۳۳۱ تاریخ وایکیوز التی نومرولی اعلامک تمیزیستی مستدعی ولایت مذکوره اورمان اداره سی طرفندن ویریلن

استدعانا مه واوراق متفرعه سی باش مدعی عمومیلک مأموریت علیه سندن باتبلیغنامه محکمه تمیز استدعاد اثر سنه تودیع اولنغله لدی التدقیق مذکور استدعانا مه نک مدت قانونیه سی ظرفده ویرلدیکی اکلشلدیفندن بالقبول تدقیقات تمیزییه اجراسنه ابتدار اولندی

اعلام مذکورک خلاصه مالی میری اورمانندن اغاج قطع ایتدکلی ادعا اولنان اراکل اوغلی بانیقه ورنجیر یانینک جزای نقدی ایله محکومیتلرینه دائر بدایه لاحق اولان حکمک عندالاستیناف فسخیه مرور زماندن ناشی حق دعوانک سقوطنه قرار ویرلدیکنی متضمندر لایحه تمیزییه فعل مدعا به مجاسرت ایلدکلیرینی اقرار واعتراف ایلدکلی و بوبابده مرور زمان حقنده ده برکونا اعتراضاتده بولندکلی حالده بروجه محرر مرور زمان دعوانک سقوطنه قرار ویرلمسی مغایر قانون ایدوکندن بحثله اعلام استینافینک نقضی استدعا اولمش وتبلیغنامه ده دخی اعلام میزبه اسباب موجهیه مستند ولایحه ده محرر اعتراض غیروارد بولندیغندن ردی طلب اولمشدر .

ایجاب کیفیت لدی المذاکره اورمان تخریباتنه متعلق مواد جرمیه دن طولانی نظامنامه مخصوصه توفیقاً تحت حکمه آلنه جق جزای نقدینک قطعیات وتخریبات درجه سنه کوره طقسان لیرای تجاوز ایده بیله جکمه نظراً مواد مذکوره به متدائر دعاوینک حل وتدقیق انجق نظامنامه خصوصیه ده متعاسی برسنه حبس وطقسان لیرا جزای نقدی بی مستلزم اولان دعاوی بی رؤیت صلاحیتدار بولسان محاکم صلیحه نک قانون مخصوصه تحدید ایدیلن وظائفندن خارج بولنسنه مبنی مسئله حاضرده دن طولانی محلی محکمه صلیحه سندن صادر اولان حکمک عندالاستیناف بونقطه دن فسخیه ایشک مجرای قانونسنه ارجاعی لزومنه قارشو بروجه محرر قرار اعطاسی یولسز ومغایر قانون اولغله اصول محاکمات جزائی قانوننک اوچیوز اون دردنجی و اوچیوز اون طقوزنجی ماده لری منظوقجه اعلام میز بهک نقضنه وایکیوز غروش اعلام خرجنک ایلروده حقسز جیه جق طرفدن اخذینه ۲۲ کانون اول ۳۳۱ تاریخده متفقاً قرار ویرلدی .

حکمه تمیز استعدا دیره سنده صادر اولوب ۲۳ ثانیه اول ۳۳۱ تاریخده قراره ربط اولنانه اعموم صورتیر :

« قائمقام ، ضابطه عدلیه مأموریتندن بولندیغندن میری اورمانندن اشجار قطع ایلدیلر حقنده کندیسنه اورمان اداره سی طرفندن ویرلمش بر مذکره موجود ایکن ، استدعای شخصی لزومندن بحث اولنه من . »

قونیه ولایتی مرکز بدایت محکمه سی جزا دائره سندن استینافاً صادر اولان ۱۱ اغستوس ۳۳۱ تاریخ و اوچیوز اونبر نومرولی اعلامک تمیزیستی مستدعی ولایت مذکوره اورمان اداره سی طرفندن ویریلن استدعانا مه واوراق متفرعه سی باش مدعی عمومیلک مأموریت علیه سندن باتبلیغنامه محکمه تمیزاستدعا دائره سندن تودیع

اولمغله لدی التدقیق مذکور استدعای نامہ نك مدت قانونیه سی طرفه ویرلدیکی اكلاشدیغندن بالقبول تدقیقات تمیزیه اجراسنه ابتدار قلندی .

اعلام مذکورك خلاصه مالی میری اورمانندن بلارخصت اشجارقطع ایتدکری ادا اولنان کورک حسین دامادی سلیمان و رفقاسنك براتلرینه دائر بدایه لاحق اولان حکمك عندالاستیناف اورمان دعوالرینك تعقیبی استدعای شخصی به متوقف ایکن دعوی مذکورہ نك اورمان مأمورلغندن قائم مقاملغ ویریلن مذکورہ استناداً رؤیت ایدلش اولسی نقطه سندن فسخیله علی الاصول استدعا وقوعنده ایجابنه باقلمق اوزره اوراقك محلنه اعاده سنه قرار ویرلدیکی متضمندر .

تمیز استدعای نامہ سنده ضبط ورقه سنه استناداً اقامه ایدلش اولان دعوی مذکورہ نك رؤیتی لارم ایکن استدعای شخصی اولمادیغندن بحثله برمنوال محرر قرار ویرلسی مغایر قانون ایدوکنندن اعلام مذکورك نقضی استدعا اولنش و تبلیغ نامہ ده دخی اورمان دعوالرینك ضبط ورقه سی ایله ده تعقیب اولنه بیله جکنه نظراً محکمہ به ورقه مذکورہ نك زمان تنظیم واعطاسنك بالتدقیق نتیجه حاصله به کوره دعواتك بر قراره ربطی مقتضی ایکن بوجهتك نظردقته النامسی مخالف قانون اولدینی بیانیله حکم مذکورك نقضی طلب اولنمشدر .

ایجاب کیفیت لدی المذاکره محلی اورمان اداره سی جانبندن مظنون علیهمک میری اورمانندن بلا رخصت اشجار قطع ایتدکریندن بحثله اخذی لازم کلن جزای نقدینك تحت حکمه النسی ضمنتده ضابطه عدلیه دن معدود اولان قائم مقاملغ ویریلن مذکورہ به برقطعه ضبط ورقه سی دخی ربط ایدلش وشو حالده اداره مذکورہ نك شکایت نامہ سی موجود بولنش ایکن محکمہ استینافیه به بالذہول حکم ابتدائینك فسخیله علی الاصول استدعا وقوعنده ایجابنه باقلمق اوزره بو بابده کی اوراقك محلنه اعاده سنه قرار ویرلسی یولسز و مخالف قانون اولدیغندن اصول محاکمات جزائیہ قانوننك اوچوز اون دردنچی و اوچوز اون طقوزنجی ماده لری منظوقنجه اعلام میز بهک بو سبدن نقضه وایکیوز غروش اعلام خرجنك ایلروده حقسنر چیقه جق طرفدن اخذینه ۲۳ کانون اول ۳۳۱ تاریخنده متفقاً قرار ویرلدی .

محکمہ تمیز استدعا دائره سنده صادر اولوب ۲۸ نوبه ثانی ۳۳۱ تاریخنده قراره ربط اولنان اعلام صورنیر:

« اورمان دعوالرینك تدقیقات ایچون محکمہ تمیزده کچر دکری مدت مرور زمان حسابنه داخل اولماز . »

قسطمونی ولایتی مرکز بدایت محکمہ سی جزا دائره سندن استینافاً صادر اولان ۱۸ اغستوس سنه ۳۳۱ تاریخ ودرتیوز اون سکز نومرولی اعلامك تمیزینی مستدعی ولایت مذکورہ اورمان اداره سی طرفندن ویریلن استدعای نامہ واوراق متفرعه سی باش مدعی عمومیک مأموریت علیہ سندن بتبلیغ نامہ محکمہ تمیز استدعا

دائره سنه تودیع اولمغله لدی التدقیق مذکور استدعای نامہ نك مدت قانونیه سی طرفه ویرلدیکی اكلاشدیغندن بالقبول تدقیقات تمیزیه اجراسنه ابتدار اولندی .

اعلام مذکورك خلاصه مالی میری اورمانندن بلارخصت اشجار قطع ایتدکری ادا اولنان علمدار زاده خلیل و محمد افندیلرک اونر بشك جزای نقدی وطقوز یوز یتش غروش تضمیناتله محکومیتلرینه دائر لاحق اولان حکم استینافینك تمیزاً نقض واعاده اولنسی اوزرینه اولبابده سبق ایدن محاکمه استینافیه نتیجه سنده اوراقك محکمہ تمیزه تودیعیه قراره ربطی وقرارك صدوریه اعلامك تحریری اره سنده مرور زمان وقوعبولدینی جهته دعوی مذکورك سقوطنه قرار ویرلدیکی متضمندر لایحه تمیزیه ده اوراق دعوانك محکمہ تمیزده کچن مدتک مرور زمان تشکیل ایدمه به جکی درکار ایکن برمنوال محرر قرار ویرلسی مغایر قانون ایدوکنندن بحثله اعلام استینافینك نقضی استدعا اولنش و تبلیغ نامہ ده دخی تدقیقات تمیزیه اجرایی اثناسنده سگریان ایدن مدتک مرور زمانه داخل حساب اوله جنی درکار بولنش وبوکا متعلق بولنان محکمہ قراری مصیب کورلش اولمغله عکس یولده اعتراضاتی متضمن اولان استدعای نامہ نك ردی طلب اولنمشدر .

ایجاب کیفیت لدی المذاکره اورمانه متعلق محکمہ تمیزه کلن دعاویده تدقیقات ومعاملات واقعده دن طولای کچن مدت مرور زمان ایچون داخل حساب اوله ماز ایکن بوصورتله کذار ایدن ایام بروجه محرر داخل حساب ایدیلرک بوندن طولای دعوی مذکورہ نك مرور زمانه سقوطنه قرار ویرلسی یولسز و مخالف قانون اولدیغندن اصول محاکمات جزائیہ قانوننك اوچوز اون دردنچی و اوچ یوزاون طقوزنجی ماده لری منظوقنجه اعلام میز بهک بوسبدن نقضه وایکیوز غروش اعلام خرجنك ایلروده حقسنر چیقه جق طرفدن اخذینه ۲ کانون ثانی سنه ۳۳۱ تاریخنده متفقاً قرار ویرلدی .

محکمہ تمیز جزا دائره سی قراری

محکمہ تمیز جزا دائره سنده صادر اولوب ۴ نوبه ثانی ۳۳۱ تاریخنی ۳۹۶۵ نومرولی اعلام صورنیر:

« فاعل مستقل اولدیغنه ثلثان اکثریت ارا حاصل اولیان متهمک فاعل مستقل اولارق مجرمیتنه قرار ویرلسی مخالف اصولدر »

الا شهرلوا بدایت محکمہ سی جزا دائره سندن صادر اولان ۱۴ تشرین ثانی ۳۳۱ تاریخلی و یوز یکرمی الی قرار نومرولی اعلام ایله اوراق متفرعه سی باش مدعی عمومیک مأموریت علیہ سندن ۲۸ صفر ۳۳۴ و ۲۲ کانون اول ۳۳۱ تاریخلی و اوچ بیک بشیوز قرق ایکی نومرولی تبلیغ نامہ ایله ۲۳ کانون اول ۳۳۱ تاریخنده محکمہ تمیز جزا دائره سنه اعطا قلنمشدر .

اعلام مذکور خلاصه مالی قوله نك جامع عتیق محله سندن قره ابراهیم اوغلی محمد بن مصطفای قتل ایلدکری ادعا قلمسندن طولای جنایتله اتهام اولنان محله مذکوره دن قره ابراهیم اوغلی قرق یاشنده اسماعیل و محمد بن اسماعیل اجرا قلنان محاکمهی نتیجه سنده متهمان مرقوماندن محمدك متهوراً قتل مذکوره جرأتی ثابت اولغله مجرمیتته وقانون جزانك یوز یتیش دردنجی و حین ایقاع جرمده اون سکنز یاشنی اکیال ایتماش اولنسی جهتیله ده قرقچی ماده لرینه توفیقاً مستحق اولدینی اون بش سنه کورک جزاسنك نصفی اولان یدی بچق سنه مدته حبسنه واسماعیلک برائتته ۱۱ تشرین ثانی ۳۳۱ تاریخنده حکم اولندیغندن عبارتدر.

محکوم علیه مرقومك لایحه تمیزیه سنده قتل مذکور برائت ایدن متهم اسماعیل طرفندن ایقاع اولندینی حاله کندوسی محکوم ایلدیکنندن و شهودك صورت شهادتندن و سائر نقصانی تحقیقات و تدقیقاتدن بحثله حقنده کی حکمك نقضی استدعا قلمشدر .

اوراق دعوی بعدالمطالع حکم جنائی حقنده تدقیقات تمیزیه اجرا اولندقدده شاهدلرک صورت اخبارلرینه و مقتلک کشفندن تحصیل ایدن نتیجهیه و محمدك بچانگی حقنده کی تحلیل راپوری مندرجانه نظراً مقتولک پدری طرفندن متهملردن اسماعیل حصر ادعا یولنده اقامه ایدیلن شهودك جلب واستماعنه بر مانع قانونی اولمایوب بالعکس بونلرک استماعیله ده توسیع و توثیق تحقیقات لزومی آشکار بولنش ایکن محکمه جه اولباده کی طلبک رد اولنسی و هیئت حاکمه دن بریسی متهملردن محمدك برائتی وایکیسی فاعل حقیقیسی غیر متعین اولق اوزره فعل جرح و قتلک ایکی متهم طرفندن بالاشتراك ایقاع ایلدیکی رأینده بولنش اولمرینه کوره متهم مرقوم محمدك فاعل مستقل اوله رق تجریمنده ثلثان اکثریت آرا حاصل اوله مامش ایکن بر منوال محرر مجرمیت قراری اتخاذ اولنش اولسی و تحدید جزا صره سنده هیئت حاکمه دن تخفیف جزا رأینده بولنان بر ذاتک اولباده درمیان ایلدیکی اسبابك وصف جرمه تعلقی اعتباریله مجرمیت قرارنده موضوع بحث و مذاکره اوله رق حاصل اوله حق نتیجهیه کوره بر قرار اتخاذی لزومندن ذهول ایدلسی مخالف قانون و مستلزم نقض احوال دن بولنش و جهات مذکوریه متضمن اولان تبلیغنامه محتویاتی وارد و بجا کورلمش اولدیغندن اصول محاکمات جزائییه قانوننك اوچ یوز اون دردنجی ماده سنه توفیقاً حکم مذکورک تفضیله احکام قانونیه دائره سنده ایفای معامله اولنق اوزره اوراقلک محله اعاده سنه وایکی یوز غروش اعلام خرجنك ایلروده حقسز حقیقه حق طرفدن تحصیلنه ۲۶ کانون اول ۳۳۱ تاریخنده متفقاً قرار ویرلدی .

محکمه تمیزیه هزارا رده سنده صادر اولره ۶ لایحه ثانی ۳۳۱ تاریخنی ۳۹۶۶ نومرولی اعلام صورتهیه :

« مجازانك تعیینی خصوصنده تنزیل و یا تحویل ایدلش اولان جزانك ترتیبینه رعایت و تنزیل جزایی موجب اولان اسباب مخففه تصریح ایدلك لازمدر »

نیکده سنجانگی بدایت محکمه سی جزا دائره سندن صادر اولان ۲۰ تموز ۳۳۱ تاریخنی وسکسان یدی نومرولی اعلام ایله متفرعاتی باش مدعی عمومیلک مأموریت علیه سندن ۲۸ صفر ۳۳۴ و ۲۲ کانون اول ۳۳۱ تاریخنی و اوچ بیک بشیوز یکریمی ایکی نومرولی تبلیغنامه ایله ۲۲ کانون اول ۳۳۱ تاریخنده محکمه تمیزیه جزا دائره سنه اعطا قلمشدر .

اعلام مذکور خلاصه مالی نیکده نك یازی هیوک قریه سندن یحیی اوغلی ممشی قتل و اوغلی مصطفایه قتل قصیدیه سلاح تشهیر ایلدیکی ادعاسیله جنایتله اتهام اولنان قریه مذکوره لی ابراهیم اوغلی علینک محکومیتته دائر مقدما صادر اولان اعلام عندالتمیز اسباب قانونیه مبنی نقض ایله اوراقلک اعاده قلمسی اوزرینه اخیراً اجرا قلنان محاکمهی نتیجه سنده متهم مرقومك سائقه تهوره حامل اولدینی طبانجه سنی انداخت ایدرک مرقوم ممشی قولندن جرح ایلدیکی و مرقومك جرحه سنك سوء تدای نتیجه سی اوله رق قانغرن اولسی صورتیه وفاتنه سبب اولدینی ثابت اولدیغندن اولوجهله مجرمیتته وقانون جزانك یوز یتیش دردنجی و یوز یتیش بشنجی و اسباب مخففه تقدیریه نك موجودیتی حسیله ده قرق یدنجی ماده لری احکامنه تطبیقاً مستحق اولدینی کورک جزاسنك تنزیل و تحویلی صورتیه اوچ سنه مدته قلعه بند ایدلسنه و مرقومك حین ایقاع جرمده اون سکنز یاشنی اکیال ایتماش اولنسی جهتیله قانون مذکورک قرقچی ماده سنه توفیقاً مذکور اوچ سنه قلعه بندلک جزاسنك دخی نصفی اولان بر بچق سنه مدته حبسنه تحویلنه واکال مدت ایلدیکی اکلشلمغله اخلائی سییلنه ۱۴ تموز ۳۳۱ تاریخنده حکم اولندیغندن عبارتدر .

اوراق دعوانك مطالعه سندن صکره تدقیقات تمیزیه اجرا اولندقدده مجرم مرقومك قانون جزانك یوز یتیش دردنجی ماده سنه توفیقاً تقدیر ایدیلن کورک جزاسنك و یوز یتیش بشنجی ماده سی موجبنه تنزیلی ایجاب ایدن مقدارینك تعیین و ارأه ایدلسی و مدت متبایقه نك اسباب مخففه دن ناشی قاچ سنه قلعه بندلکه تحویل اولندیغنك صره سیله کوسترلمسی لازمکیر ایکن تعیین جزاده محکمه محلیه جه شورتیه رعایت اوله رق فلک مستلزم اولدینی کورک جزاسنك قلعه بندلکه تحویلنه اوچ سنه مدته قلعه بند ایدلسنه تعبیریه اکتفا اولنسی و متهم النده طبانجه اولدینی حاله مقتولک اوغلی مصطفایه هجوم ایتکده سلاحرلی ترك ایتک مقصدیه مقتول مرقومك متهمه بر توفاد اورمش اولسی خصوصنك اولدینی کورک جزاسنك قلعه بندلکه تحویلنه اوچ سنه مدته قلعه بند ایدلسنه تعبیریه اکتفا اولنسی بودرجه تنزیل جزایی مستلزم اسباب مخففه تشکیل ایدوب ایتیه جکی جهته اماله نظر اوله رق اکا کوره بیان رأی اولنسی مقتضی ایکن بوندن ده ذهول ایدلش اولسی

مغایر قانون وجهات مذکورہ میں متضمن اولان تبلیغنامہ محتویاتی وارد و بجا اولغله و اصول محاکمات جزائیہ قانوننک اوچیوز اون دردنجی ماده سنہ توفیقاً اعلام اخیر مذکورک دخی نقضه واحکام قانونیه دائره سنده ایفای معامله اولنق اوزره اوراقنک محله اعاده سنہ وایکیوز غروش خرج اعلامک ایلروده حقسنز حقیقه جق طرفدن تحصیلنه ۲۳ کانون اول ۳۳۱ تاریخنده متفقاً قرار ویرلدی .

محکمہ تمیز جزا دائره سنده صادر اولاره ۶ ثانیه ۳۳۱ تاریخ ۳۹۶۷ نومردلی اعلام صورته بر :

« حسب السن اصلاح نفس ایچون حبسدن عبارت اولان محکومیت سابقه مکرر لکه اساس اوله ماز »

الا شهر لوا بدایت محکمه سی جزا دائره سنندن صادر اولان ۱۸ تشرین اول ۳۳۱ تاریخلی ویوز سکنز نومردلی اعلام ایله اوراق متفرعه سی باش مدعی عمومیک مأموریت علیه سنندن ۲۸ صفر ۳۳۴ و ۲۲ کانون اول ۳۳۱ تاریخلی و اوچ بیک بشیوز یکر می بش نومردلی تبلیغنامہ ایله ۲۲ کانون اول ۳۳۱ تاریخنده محکمه تمیز جزا دائره سنه اعطا قلمشدر .

اعلام مذکورک خلاصه مندرجاتی دلیل قریه سنندن قوجه بیق احمد اوغلی حسنک لیلا خانہ سی دیواری دله رک و او طه قوسی ایله صندوقی کلیدی قیرره قاشا و تقودینی اخذ و سرقت ایلدکری ادا قلمسندن طولانی جنایتله اتهام اولنان قریه مذکورده دن اون طقوز یاشنده اسماعیل بن محمد و سلیمان بن دارنجی رمضانک اجرا قلنان محاکمه لری نتیجه سنده متهمان مرقومانک بروجه ادا دیوار دلمک و قبو آچق و صندوق قیرمق صورتلریله سرقت مذکوریه جرأتلری ثابت اولدیغندن اولوجهله مجرمیتلریه و حرکتلریه توافق ایدن قانون جزانک ایکوز یکر می و بونلردن سلیمانک مکرر لکی جہتله ده سکنزنجی ماده لرینه توفیقاً و ابتدای تاریخ توقیف لری اولان اوچیوز اتوز اوچ سنه سی رمضانک ایکنجی کونندن اعتباراً اسماعیلک اوچ و سلیمانک تضعیفاً الی سنه مدتله کورک قونلریه ۱۵ تشرین اول ۳۳۱ تاریخنده حکم اولدیغندن عبارتدر . ذکر اولنان تبلیغنامہ ده دخی صورت جریان محاکمه سیله جهت تطبیقه سی حقنده اعتراضه محل کوریه - مدیکی بیانیه اعلام مذکورک تصدیق طلب اولمشدر .

اوراق دعوانک مطالعه سنندن صکره تدقیقات تمیزیه اجرا اولندقدہ مرقوماندن اسماعیل حقنده جریان ایدن محاکمه ایله لاحق اولان حکم موافق اصول و قانون اولدیغندن اعلام مذکورک مرقومه عائد جهت حکمیه سنک تصدیقه و سلیمان حقنده کی حکمه کلنجه مرقومک محکومیت سابقه سی حسب السن اصلاح نفس ایچون حبسدن عبارت اولسنه نظراً مکرر لکه اساس اتخاذ اولنه میه جعی درکار ایکن محکومیت مذکورده سنندن طولانی مکرر عد اولنسی مخالف قانون اولدیغندن اصول محاکمات جزائیہ قانوننک اوچیوز اون دردنجی

ماده سنه توفیقاً مرقوم حقنده کی حکمک ده نقضه واحکام قانونیه دائره سنده ایفای معامله اولنق اوزره اوراقنک محله اعاده سنه وایکیوز غروش نقض خرجنک ایلروده حقسنز حقیقه جق طرفدن ویوز غروش تصدیق خرجنک ده محکومیتی تصدیق اولنان مرقوم اسماعیلدن تحصیلنه ۲۳ کانون اول ۳۳۱ تاریخنده متفقاً قرار ویرلدی .

محکمہ تمیز جزا دائره سنده صادر اولاره ۴ ثانیه ۳۳۱ تاریخ ۴۰۲۸ نومردلی اعلام صورته بر :

« محل سرقتده اموال مسروقه موجود اولما یوب محل مذکورک تهی بولندینی کشف ورقه سنده کوسترلسنه مبنی حرکت واقعه سرقته تشبث صورتنده تلقی ایدیه من . »

ماردین سنجاغی بدایت محکمه سی جزا دائره سنندن صادر اولان ۹ ذی الحجه ۳۳۳ و ۵ تشرین اول ۳۳۱ تاریخلی و سکسان طقوز نومردلی اعلام ایله اوراق متفرعه سی باش مدعی عمومیک مأموریت علیه سنندن ۱۸ صفر ۳۳۴ و ۱۳ کانون اول ۳۳۱ تاریخلی و اوچ بیک درتیوز اتوز سکنز نومردلی تبلیغنامہ ایله ۱۳ کانون اول ۳۳۱ تاریخنده محکمه تمیز جزا دائره سنه اعطا قلمشدر .

اعلام مذکورک خلاصه مالی اوچیوز اتوز برسنه سی اغستوسنک اوچنجی کیجه سی خرسیان عمیع تازه نک دکانندن اشیا سرقت ایتک مقصدیه کندی خانه سنک کیلارندن لیلا دلیک اچق صورتیه مذکور دکاندن سرقت ایاغنه تشبث ایتدیکی ادا قلمسندن دولای جنایتله اتهام اولنان ماردینلی اسماعیل افندی زاده شا کر افندینک اجرا قلنان محاکمه علیه سی نتیجه سنده متهم شا کر افندینک دیوار دلمک صورتیه سرقت مذکورہ تشبث ایلدیکی ثابت اولدیغندن مجرمیته و قانون جزانک ایکوز یکر منجی ماده سنه توفیقاً اوچ سنه مدتله کورک قونلسنه و فقط فعلی تشبث ناقص درجه سنده قالمسنه مبنی قانون مذکورک قرقی التنجی ماده سنک یدنجی فقره سنه تطبیقاً مذکور ارج سنه نک ثلثانی بالتزویل برسنه مدتله کورک قونلسنه ۵ تشرین اول ۳۳۱ تاریخنده حکم اولدیغندن عبارتدر . تبلیغنامہ ده دخی صورت جریان محاکمه سیله جهت تطبیق حقنده اعتراضه محل کوریه مدیکی بیانیه اعلام مذکورک تصدیق طلب اولمشدر .

اوراق دعوی بعد المطالعه تدقیقات تمیزیه اجرا اولندقدہ هر نه قدر تبلیغنامہ ده اعلام مذکورک تصدیق طلب اولنیور ایسه ده مسروق منه اتخاذ ایدیلان محله اموال مسروقه بولنیوب مذکور محاکم تهی اولندینی کشف ورقه سنده کوسترلسنه و شو حالده دیوار تماماً دلنش اولسه بیله کیفیت سرقت تشبثی ماهیتده ارله میه جغه نظراً تجریم و تطبیقه اصابت کوریه مامش اولدیغندن اعلام مذکورک اصول محاکمات جزائیہ قانوننک اوچیوز اون دردنجی ماده سنه توفیقاً نقضه واحکام قانونیه دائره سنده ایفای معامله اولنق اوزره اوراقنک محله اعاده سنه وایکیوز غروش اعلام خرجنک ایلروده حقسنز حقیقه جق طرفدن تحصیلنه ۱۴ کانون اول ۳۳۱ تاریخنده متفقاً قرار ویرلدی .

محکمہ تمیز جزا دائرہ سندرہ صادر اولادہ ۶ طانونہ ثانی ۳۳۱ تاریخی ۴۰۰۱ نومرولی اعلام صور تیر:

« بو سفر بر اگدن مقدم تحت سلاحه آلمش اولان عسکر عائله سنه تعلق ایدن قیر قاچیرمق جرمک دعواسی دیوان حرب عرفیده رؤیت ایدلز . »

آیدین ولایتی هیئت اتهامیه سندن تنظیم واعطا قلنان ۱۲ تشرین ثانی ۳۳۱ تاریخی وطقوز یوز طقسان برنومرولی مضبطه نک تمیزاً تدقیق حقنده ولایت مذکورہ استیناف مدعی عمومیلک سندن معطی استدعا نامه ایله اوراق متفرعه سی باش مدعی عمومیلک مأموریت علیہ سندن ۱۶ صفر ۳۳۴ و ۱۰ کانون اول ۳۱ تاریخی و اوچ بیک درت یوز اوتوز بش نومرولی تبلیغ نامه ایله ۱۳ کانون اول ۳۳۱ تاریخده محکمہ تمیز جزا دائرہ سنده اعطا قلنمش ولدی التدقیق مذکور استدعا نامه نک مدت قانونیه سی ظرفده ویرلدیکی آکلاشلمش اولمغله بالقبول مطالعه اولندی .

مضبطة مذکورہ نک خلاصه مالی کلاسی ناحیه سنه تابع یکی کوی قریه سندن عبده زوجہ سی فاطمه ایله قزی الیفی جبراً قاچردقلری ادعاسیله مظنون علیهم اولوب مستطقلقجه جنایتله لزوم محاکمه لرینه قرار ویرلمش اولان صولاقلر قریه سندن قوجه بیق اوغلی حسین و کور اوغلنک اوغلی محمد و حسن بن موسی چاوش حقلرنده اجرا قلنان تدقیقات اتهامیه نتیجه سنده مزبوراندن فاطمه عسکر قاریسی والیف عسکر قزی اولوق حسبیله اولبایدیکی قانون نامه موجبنجه اوراق دعوانک دیوان حرب عرفیه تودیعه ۱۲ تشرین ثانی ۳۳۱ تاریخده قرار ویرلدیکندن عبارتدر .

استیناف مدعی عمومیلک لایحه تمیزیه سنده مزبور تاندن فاطمه نک زوجی بودفعه کی سفر برلک طولایسیله تحت سلاحه النان افراددن اولدیغنه دائر نه قرار نامه ده ونده تحقیقات جاریه ده برکونه قید ومعلومات مندرج اولیوب یالکز مزبوره فاطمه زوجنک بوندن بش سنه مقدم عسکر اوله رق یمنه کیتدیکنی واندن صکره برکونه خبر اله مدیغنی افاده ایتسنه وسلاح التنه النان افرادک عائله لرینه تعرض ایدنلرک مرجع محاکمه لری حقنده کی قانون موقتک حکمی یالکز عمومی سفر برلک اوزرینه سلاح التنه النان افراد عائله لری حقنده وقوعبولان تعرضلره شامل بولمسنه مبنی بوجهت نظر اعتباره التفسیرین بوندن بش سنه مقدم عسکر اولوب یمنه سوق ایدیلان و حیاتده اولدیغنی معلوم اولیان مدعیه نک زوجنک عسکر لکندن طولای اوراقک دیوان حرب عرفیه تودیعه قرار اعطاسی یولسز ومغایر قانون اولدیغندن بحثله مضبطه مذکورہ نک تقضی استدعا اولنمشدر .

ذکر اولنان تبلیغ نامه ده دخی مزبوره فاطمه نک زوجی عبداللهک بش سنه اول تحت سلاحه التهرق یمنه سوق ایدلیدی و حیات وممانندن معلومات التهمینی بیان اولمسنه ومظنون مرقومون حقلرنده اجرای تحقیقاتک دیوان حرب عائدیتی حین ایقاع جرمده زوج مرقومک الآن تحت سلاحده بولدیغنک ثبوتنه

منوقف اولمسنه نظراً بوجهتک اول امرده تحقیق ایله نتیجه حاصله یه کوره وظیفه حقنده برقرار اتخادی تقضی ایکن ذهول ایدلمش اولدیغنی بیانیه مذکور مضبطه نک تقضی طلب اولنمشدر .

تدقیقات تمیزیه اجرا اولندقدده لایحه تمیزیه ده مدعیه فاطمه نک زوجی اشبو عمومی سفر برلکده تحت سلاحه آلمش اولمایوب بش سنه اول عسکره کیدوب کلامش اولسی اعتباریه مظنون علیهم مرقومون حقلرنده تعقیبات قانونیه نک دیوان حرب عرفیه عائدیتی اولمادیغنه دائر بوجه محرر درمیان اولنان اعتراض اولبایدیکی اوراق تحقیقیه مندرجاتیه مذکور هیئت اتهامیه مضبطه سنده بحث اولنان ماده قانونیه محتویاتنه نظراً وارد ورجا اولمغله اصول محاکمات جزائییه قانوننک اوچ یوز اون دردنجی ماده سنه توفیقاً مضبطه مذکورہ نک تقضیه احکام قانونیه دائرہ سنده ایضای معامله اولتمق اوزره اوراقک محله اعاده سنه ۱۴ کانون اول ۳۳۱ تاریخده منقفاً قرار ویرلدی .

محکمہ تمیز جزا دائرہ سندرہ صادر اولادہ ۶ طانونہ ثانی ۳۳۱ تاریخی ۴۰۰۵ نومرولی اعلام صور تیر:

« اجتماع جرائم حالنده جرح فعلی سبب مشدد عد ایدیلور »

تکفور طانغی سنجانغی استیناف محکمہ سی جزا دائرہ سندن صادر اولان ۲۶ تشرین ثانی ۳۳۱ تاریخی یوز اوتوز سکز نومرولی اعلام ایله اوراق متفرعه سی باش مدعی عمومیلک مأموریت علیہ سندن ۳۰ صفر ۳۳۴ و ۲۴ کانون اول ۳۳۱ تاریخی و اوچ بیک بشیوز سکسان اوچ نومرولی تبلیغ نامه ایله ۲۶ کانون اول ۳۳۱ تاریخده محکمہ تمیز جزا دائرہ سنده اعطا قلنمشدر .

اعلام مذکورک خلاصه مالی اوچیوز اوتوز برسنه سی مایسنک یکریمی التنجی کونی یوقاری قلنجلی قریه سندن کاف چاوش کریمه سی حمیده نام بکر بالغه یی جبراً قاچیرهرق فعل شینع اجرا ومزبوره نک تخلیصنه کیدن برادری حسینی قتل قصدیله جرح ایتدیکی ادعا قلنمسندن دولای جنایتله اتهم اولنان قریه مذکورہ دن مصطفی اوغلی محمد ومزبوره نک قاچرلسی خصوصنده مرقوم محمد معاوتنده بولتمق صورتیه فرعاً ذیمدخل بولندقلری ادعاسیله کذلک جنایتله متهم تکفور طاغنده مبانی انشآت مفرزه سی اوچنجی بلوکنک ایکنجی طاقی اونباشیسی علی اوغلی حسن ومذکور بلوکنک برنجی طاقتندن محمد اوغلی ابراهیمک اجرا قلنان محاکمه لری نتیجه سنده متهمون مرقوموندن محمدک مزبوره حمیده یی جبراً قاچیروب فعل شینع اجرا سیله بکری ازاله ایتک و برادری حسینی قتل قصدیله جرح ایله معلولیت دائمه سنه سبیت ویرمک وحسن ایله ابراهیمکده اون بش باشی اکمال ایلش اولان مزبوره یی بالاشترک قاچیرمق فعللرینه جرأتلری ثابت اولدیغندن اولوجهله مجرمیت اولمیشلرینه وبونلردن محمدک اعظم جرم اعتباریه قانون جزانک یوز یمش دردنجی و قرق التنجی ماده لرینه توفیقاً تعین اولنان اون بش سنه کورک جزاسنک ثلثی بالتزیل اون سنه مدته کورکه قولمسنه وحسن ایله ابراهیمک

قانون مذکورک ایکوز التنجی و قرق بشنجی ماده لرینه تطبیقاً ایکیشرسنه مدته حبس لرینه ۲ تشرین ثانی ۳۳۱ تاریخده حکم اولدیغندن عبارتدر .

اوراق دعوی بعدالمطالعہ حکم جنائیدن دولای تدقیقات تمیزیه اجرا اولندقدہ تبلیغنامہ ده دخی بیان اولدینجی وجهله قیزقاجیرمق و هتک عرض جرمنک جزاسی خدمتها اعتباریله اون بش سسنه یه بالغ اوله بیلوب قتله تشبث حقنده کی مجازات ایسه بالنسبه محدود اولسنه کوره جرح کیفیتک افعال سائرہ حقنده اسباب مشده دن عدلیه ایکوز التنجی ماده یه توفیقاً تحدید جزا اولنق لازمکلور ایکن صورت توصیف جرم ایله تطبیق قانونده عکس صورتده معامله اجراسی یولسز اولدیغندن حکم مذکورک اصول محاکمات جزائیہ قانوننک اوچوز اون دردننجی ماده سنه توفیقاً نقضنه و احکام قانونیه دائره سنده ایفای معامله اولنق اوزره اوراقنک محانه اعاده سنه و ایکوز غروش اعلام خرجنک ایلروده حقسنر حقیقه جق طرفدن تحصیلنه ۲۷ کانون اول ۳۳۱ تاریخده اکثریتله قرار ویرلدی .

محکمہ تمیز جزا دائره سنده صادر اولده ۱۱ ثانویه ۳۳۱ تاریخلی ۴۰۳۲ نومرولی اعلام صورته :

« تاریخه عائد سهو حقنده تدقیقات یاپیلمادن اول مرور مدتدن بحثله اعتراضک ردینه قرار ویرلسی مغایر اصولدر . »

سوریه ولایتی هیئت اتهامیه سندن تنظیم اولنسان ۱ ایلول ۳۳۱ تاریخلی و اوچوز یتیش بر نومرولی مضبطه نک تمیزاً تدقیقی حقنده ولایت مذکوره استیناف مدعی عمومیلکنندن معطی استدعایله ایله اوراق متفرعه سی باش مدعی عمومیلک مأموریت علیه سنک ۳ محرم ۳۳۴ و ۲۹ تشرین اول ۳۳۱ تاریخلی و ایکیک طقوز یوز الی یدی نومرولی تبلیغنامہ سیله ۲۵ تشرین ثانی ۳۳۱ تاریخده محکمہ تمیز جزا دائره سنه تودیع قلمش و مذکور استدعایله مدت قانونیه سی طرفنده ویرلیدی اکلشلمش اولمغله بالقبول مطالعه اولندی مضبطه مذکوره نک خلاصه مالی صالح بن محمد غزالینک تسلیمی ماده سندن مظنون علیهم اولان علی بن خالد و محمد علی و محمد مطر و علی هدایا و عبدالسلام حققرنده راشیا قضاسی مستطقلکنجه اتخاذ اولان ۲۲ تموز ۳۳۱ تاریخلی قرار علیه سنه استیناف مدعی عمومیلکنندن ویریلان اعتراض استدعایله سنک بالتدقیق ۲۷ اغستوس ۳۳۱ تاریخده قانوناً معین اولان مدتک مرورندن سوکره اعطا قلندینجی اکلشلمغله استدعای مذکورک ردینه ۱ ایلول ۳۳۱ تاریخده قرار ویرلیدکندن عبارت بولمشدر .

مذکور مدعی عمومیلکک تمیز استدعایله سنده مستطقل طرفندن اتخاذ اولمقدہ بولنان منع محاکمه مقررانی اصول محاکمات جزائیہ قانوننک الی برنجی ماده سنک ذیلنه توفیقاً جانب ریاستدن تصدیق اولدیغندن سوکره تکمیل ایدرک معمول به اولمقدہ بولسنه مبنی سالف الذکر منع محاکمه قراری ۲۲ تموز ۳۳۱ تاریخده

اتخاذ قلمش ایسه ده ریاستدن ۲۸ تموز ۳۳۱ تاریخده تحت تصدیقه النش اولسی جهتیه مدعی عمومیلک مقامه عائد مدت اعتراضیه نک تاریخ مذکوردن اعتباراً جریان ایده جکی و منع محاکمه مقررانی ریاستدن تصدیق اولمغله نواقصی کوسترلیدیکی حالده اکلنه قدر بر چوق زمان کچه جکی درکار اولمغله اعتراض استدعایله سنک مدت قانونیه سی طرفنده ویرلیدیکی میدانده ایکن ردینه قرار ویرلسی یولسز و مغایر قانون اولدیغندن بحثله مذکور مضبطه نک نقضی استدعا اولمشدر .

ذکر اولنان تبلیغنامہ ده دخی محلی مستطقلکندن معطی منع محاکمه قرارنامہ سی محکمہ بدایت رئیس طرفندن ۲۸ تموز سنه ۳۳۱ تاریخده تصدیق ایدلمش اولسنه و اصول محاکمات جزائیہ قانوننک الی برنجی ماده سی ذیلی موجبجه طرف ریاستدن تصدیق اولمغله دلائلک لزوم محاکمه یه کفایتیه متعلق اسباب بیانیله اعاده اولدینجی حالده مستطقلک لزوم محاکمه قراری اعطاسنه مجبوری درکار بولسنه نظراً مستطقلک اعطا ایدلیدی منع محاکمه قراری تعریفات قانونیه وجهله طرف ریاستدن تصدیق اولمغله تکامل ایده جکی جهتیه مدعی عمومی یه عائد اولان مدت اعتراضیه نک تاریخ تصدیقندن اعتباراً جریان ایده جکی آشکار بولمسنه نظراً دعوی حاضرده ۲۸ تموز سنه ۳۳۱ تاریخده محکمہ رئیس طرفندن تصدیق اولنان منع محاکمه یه قارشو ۲۷ اغستوس سنه ۳۳۱ تاریخده مدعی عمومیلک جانبندن معطی اعتراضنامه مدت قانونیه سی طرفنده اعطا اولمغله حالده مستطقل قرارنامہ سی تاریخنک اعتراض مدتیه مبدأ اتخاذیه مذکور اعتراضنامه نک ردی یولسز کورلمش و بناء علیه رئیس محکمہ نک تاریخنه اعتبار ایدلسی لزومی حقنده لایحه تمیزیه ده مسرود اعتراضات دخی بجا بولنش اولدینجی بیانیله مذکور مضبطه نک بوسبیدن نقضی طلب اولمشدر .

بالجمله اوراقنک مطالعه سندن سوکره تدقیقات تمیزیه اجرا اولندقدہ مستطقل طرفندن ویریلن منع محاکمه قراری زیرنده ۲۹ رمضان سنه ۳۳۳ و ۲۲ تموز سنه ۳۳۱ تاریخلی محرر ایسه ده بونک اثرسهو اولدینجی ۲۹ رمضان ۳۳۳ تاریخ هجریسنک ۲۸ تموز سنه ۳۳۱ تاریخه مصادف اولسی و قرار مذکوردن اول النان سوک افاده ایله سوک معامله نک ۲۵ تموز سنه ۳۳۱ تاریخده و مدعی عمومیلک وکیلی طرفندن منع محاکمه طلبی حاوی اولان ادعایک کذلک ۲۸ تموز سنه ۳۳۱ تاریخده وقوعی ایله مثبت اولوب سوریه استیناف مدعی عمومیلکنندن مذکور قرار علیه سنه هیئت اتهامیه یه اعطا قلنان اعتراضنامه نک ۲۷ اغستوس سنه ۳۳۱ تاریخده مقید اولسنه کوره ۲۸ ۲۸ تموز سنه ۳۳۱ دن اعتباراً هنوز برآی مرور ایتماش ایکن هیئت اتهامیه ججه بالتدقیق تظاهر ایده جکی درکار اولان شوسهو نظره آلمقسنرین مرور مدتدن بحثله اعتراضک ردینه قرار اعطاسنده اصابت کوریه مامش و لایحه تمیزیه مندرجاتی بو طریقه وارد و بجا بولنش اولمغله اصول محاکمات جزائیہ قانوننک اوچوز اون دردننجی ماده سنه توفیقاً مضبطه مذکورک نقضنه و احکام قانونیه دائره سنده ایفای معامله اولنق اوزره اوراقنک محانه اعاده سنه ۲۸ تشرین ثانی سنه ۳۳۱ تاریخده متفقاً قرار ویرلدی .

محکمہ تعمیرات و امور دارالحکومت

محکمہ تعمیرات و امور دارالحکومت صادر اولوب ۱۲ نوبمبر اول ۳۳۱ تاریخندہ قرارہ ربط اولانہ اعلام صورتیدر:

« بدلی پشین اولارق اشترا ایدلش برماله متعلق اولان عقد بیعک سندہ ربطی لزوم قانونیہ

مستند اولادیقندن شہود شخصیه ایلہ اثباتی جائزدر . »

بغدادک ساقیہ باشی محلہ سندہ مقیمان تجارتدن کاظم و درویش علی اولاد حاجی محمود ایلہ خزینہ جلیلہ بینندہ متکون دعوا یہ دائر بغداد ولایتی استیناف محکمہ سندن ۱۵ حزران ۳۳۱ تاریخی ویدی عددیہ ویریلوب مرقومان کاظم و درویش طرفلرندن تمیزاً تدقیق استدعا قلنان اعلام باش مدعی عمومیک مأموریت علیہ سنک مطالعہ نامہ سی آلدقدن صوکرہ طرفینک اعتراض وجواب لایحہ لریلہ بالمطالعہ تدقیقات تمیزہ اجراسنہ ابتدار قلندی .

اعلام مذکور مندرجاتنہ کورہ مرقومان کاظم و درویشک کر بلانک اوچیوز اوتوز سنہ سی ناصرہ ملتزمی ابراہیم بن محمد الحسیندن اوچیوز التمش لیرا بدل مقابلندہ اشترا و مسببہ کاظم بن شیخ محمدک تحت ایجارندہ اولان سیفہ وضع ایتدکری التمش تغار شعیر اوزرینہ ملتزم مرقومک ظنیلہ خزینہ جلیلہ طرفندن وضع اولنان حمزک فیک حقدنہ استحصال ایلدکری اعلام علیہندہ خزینہ مشارالہا و کیلی طرفندن وقوعبولان استیناف دعوی اوزرینہ مدعی عمومی حضوریلہ اجرا قلنان محاکمہ و تدقیقات نتیجہ سندہ ثمن مبیع اولان اوچیوز التمش لیرانک رمضانک بشنہ کیجہ سندہ وقوعبولان عقد بیع اثناسندہ اخذ و قبض و مبیعک انی ولی ایدن شهر شوالدہ تسلیم ایدلدیکی صورت جریان محاکمہ دن و شہود مستمعہ نک شہادتلرندن مستبان اولمش و عقد بیعک وقوعندن برمدت صکرہ مبیع اولان شعیرک تسلیمی تعهد ایدلش ایسہدہ اصول محاکمات حقوقیہ نک سکسانجی مادہ سی منطوقجہ تعهداتی متضمن اولان بومثللو عقودک سندانہ ربطی لازمہ دن ایکن سندہ ربط ایدلیہ رک بیع و شرا کی شہود شخصیه ایلہ اثبات اولنسی صراحت و امر قانونیہ مغایر بولمش اولدیقندن قانون مذکورک یوز طقسان التنجی مادہ سنہ توفیقاً مغایر قانون اولان اعلام ابتدائینک فسحیلہ دعوی قائمہ نک ردینہ و مستأنف علیہلرک بدل مبیعندن طولانی ملتزم ابراہیم حقدنہ آروجه اقامہ دعوا دہ بخار اولدقلمینہ حکم و قرار ویرلدیکی آکلاشلمشدر میزان مرقومان کاظم و درویش طرفلرندن اعطا قلنان لایحہ تمیزیدہ کندی بدل مبیعی تسلیم و بالاخرہ مبیعی تسلیم ایتدکری بدایہ اصولاً شہود شخصیه ایلہ اثبات ایتدکری و بوخصوصہدہ بوکی معاملہ نک سندہ ربطی عرف و عادت اقتضاسندن اولمدینی جہتلہ سند اراقم لازم کلز ایکن بوندن طولانی اعلام ابتدائینک فسحیہ قرار ویرلمسی یولسز و مغایر اصول و قانون اولدیقندن بحثلہ اعلامک نقضی و لایحہ جوابیہ دہدہ غیر وارد اولان اعتراض مذکورک ردیلہ موافق اصول و قانون

بولنان اعلام مذکورک تصدیق طلب واستدعا ایدلش و سالف الذکر مطالعہ نامہ مفادی ایسہ مالک اشترا ایدلیہ رک ثمن مبیعک تماماً اعطا ایدلدیکی و بنابرین عقد بیعک تمام اولدینی رهن مرتبہ ثبوت اولوب تسلیم کیفیتک مؤخر بر زمانہ تعلیق ایدلشنک عقد بیعی افساد و یا ابطال ایدمہ جکی وشو حالہ تمام اولان عقد بیع مقتضاسنجه مبیعک مستحقنہ تسلیمی لازمہ دن اولدینی حالہ زمان آتیہ تعلیق ایدیلان تسلیم کیفیتک عرف و عادتہ توفیقاً مقاولہ یہ ربطی لزومندن ذہول ایدلدیکندن بحثلہ و محتاج اثبات اولمیان کیفیت مذکورہ نک مقاولہ ایلہ اثباتی اقتضا ایدہ جکی ذہابیلہ بیعک حکمسز عدیلہ مرقومانک بایعہ حق رجوعی باقی قالمق اوزرہ دعواسنک ردی یولندہ قرار ویرلمسی بالوجودہ مغایر قانون وشو جہتی تضمن ایدن لایحہ مندرجاتی وارد کورولدیکی بیانندن عبارت بولمشدر .

ایجابی مذکورہ اولندقدہ کیفیت مرہ قدربروجہ بالا بالرؤیہ تحت حکمہ التمش ایسہدہ ثمنی بروجہ پشین تأدیہ اولنقی صورتیلہ اخذ و اشترا و تسلیم اولنان مالہ متعلق عقد بیعک سندہ ربطی لزوم قانونیہ مستند اولامسنہ مبنی دعوی واقعہ نک شہود شخصیه ایلہ اثباتی جائز ایکن عندالاستیناف دعوی مذکورہ نک شہودلہ اثباتی جائز اولمدیقندن بحثلہ اعلام ابتدائینک فسحیہ قرار ویرلمسی یولسز و مخالف قانون اولدیقندن اصول محاکمہ حقوقیہ قانونک ایکویز اوتوز ایکنجی مادہ سی موجبجہ اعلام مذکورک نقضیلہ قانون مزبورک ایکویز قرق دردنجی مادہ سنک فقرہ اولاسی حکمنہ توفیقاً کیفیتک اولوجہلہ بالرؤیہ اعلامہ ربطی ضمندہ محکمہ مذکورہ یہ اعادہ سنہ وزیردہ مفرداتی مرقم غروش مصارف تمیزیدہ نک ایلرودہ حقسز چیقہ جق طرفہ عائد اولسنہ ۱۲ تشرین اول ۳۳۱ تاریخندہ اکثریتلہ قرار ویرلدی .

شورای دولت مضبطہ لری

شورای دولت ملکیہ و معارف دائرہ سنک ۵۰۰ نومرولی مضبطہ سنک صورتیدر

یولسز اولہرق آچیغہ چیقارلدیقندن بحث ایلہ اعادہ مأموریتی و متراکم معاشاتک اعطاسی استرحامی حاوی استانبول ولایتی و ملحقاتی زراعت باقہ سی شعبہ سی محاسبہ جیسی رفعت اقدی طرفندن بالتقدیم شورای دولہ حوالہ بیوریلان عر ضحاک تودیہی اوزرینہ تجارت و زراعت نظارتندن وارد اولان ۲۳ حزران سنہ ۳۳۱ تاریخی تذکرہ ملکیہ و معارف دائرہ سندہ قرائت اولندی . مألندہ مومی الہک خستہ لغندن بالبحث خصوصات ذاتیہ سی تسویه ایتک و عملیات جراحیہ اجرا ایتدیرمک اوزرہ ۴ ایلول سنہ ۳۲۸ تاریخندن اعتباراً ایکی آی مآذونیت استحصالیلہ بیروته کیتمش و بو مدت ختامندہ عودت ایدہ میوب تکرار مراجعتی اوزرینہ مآذونیتی

برنجی دفعه اوچ و بالاخره ایکی آیدها تمدید ایلدیش اولدینی حالدده ینه گیه رک تمدید ماذونیت طلبنده بولندیغندن خسته لغتک نوع و ماهیتک ونه قدر مدت دهانداوی واستراحت احتیاجی اولدیغنک هیئت صحیه معرفتیه تعیین و انبای حقیقه کی اشعاره جواباً بیروت ولایتندن آلان تحریر ائده مومی الیه رفته افندیگنک مقدما بلدییه هیئت صحیه سنجه ایکی دفعه معاینه سی بالاجرا عملیاته لزوم کوسترلش ایکن اولکی مدت ماذونیتی ظرفنده عملیات یاپدرمدیی و تکرار معاینه سی ایچون کندیسنه بالدفعات خبر کوندردیگی حالدده گلدیکی و اخیراً بشقه بریطیدن راپور استحصالی ایلهدردنجی دفعه اوله رق ماذونیت طلبنده بولندیغنی و بروجّه محرر اطباطرفندن توصیه اولنان عملیاتی اجرا ایتدیرمدیکی بیلدیرلش اولوب عملیات لازمه یی یاپدیرمامله برابر هیئت طیه جه رسماً معاینه اولنقدن دخی استکاف ایتسنه واهیتی درکار اولان وظیفه سنک مدت مدیده وکالة ایفاسی جائز کوردلدیکنه بناءً بو صورتله راحتسزلی سببیه اوزون مدت وظیفه سی باشنه کله میان مأمورلره ایجاب حال و مصلحتله متناسب مدته ماذونیت ویریله رک اومدتک ختامنده ینه وظیفه لری باشنه دعوت ایده مزلسه حقلرنده عزل و تبدیل و تقاعدکی معامله مقتضیه قانونیه ایفاسی لازم کله جکنه دائر اولان ۱۳ تشرین ثانی ۳۲۹ تاریخی تذکره سامیه ایله مبلغ شورای دولت هیئت عمومی سی قرارینه توفیقاً ایلروده دیگر برخدتمه تعیین ایدلمک اوزره آچیغه چیقاریله رق علی الاصول معزولیت معاشی تخصیص ایتدیرلدیکی و کندیسنه بدایت ماذونیتندن ۵ کانون ثانی سنه ۳۲۸ تاریخچه قدر تام و وکیل استخدامنه لزوم قطعی حاصل اولغله وکیلک ایشه مباشرتیه مصادف تاریخ مزبورندن آچیغه چیقارلدیغنی ۴ تشرین اول سنه ۳۲۹ تاریخچه قدر معاشنک وکیللره ویریلان مقدارک فضلّه سی ویرلدیکی و کفیل اراشه ایده مامسی سببیه شمدی یه قدر استخدام اولنه میوب کفیل کوستردیکی حالدده کافی السابق طشره جه حالته مناسب برخدتمه تعیینی مقرر بولندیغنی مدیریت عمومی افاده سنه عطفاً بیان ایدلمشدر . ایجابی لدی المذاکره صورت اشعاره نظر آمستدعی مومی الیه رفعت افندیگنک مذکور محاسبه جیلکدن آچیغه چیقارلمسی خسته لکنک امتدادندن نشأت ایتش و مومی الیه ایسه عرضحال اخیرنده حقیقه جریان ایدن معامله نک خسته مأمورلره دائر متخذ مقررانه مخالف اولدیغنی درمیان ایش اولسلیله خرج راه قرارنامه سنک خسته لنی سببیه تداوی و تبدیل هوایه احتیاجی اطباطرفندن ورقه رسمیه ایله تصدیق اولنان مأمورینه مدت مناسبه ایله ماذونیت ویریله جکنه دائر اولان اون اوچنجی ماده سنده کی « مدت مناسبه » قیدینی تفسیراً شورای دولت تنظیمات دائره سندن اتخاذ و هیئت عمومی سندن تصویب اولنوب ۹ نیسان سنه ۳۲۸ تاریخی تذکره سامیه ایله تبلیغ بیوریلان قرارده خسته اولان بر مأمورک خسته لنی ممکن التداوی اولدینی معاینه طیه ایله تین ایلدیگی حالدده تداوی ایچون لازم کلن مدت ماذونیتک اعطاسی و بر سنه قدر امهال اولندقدن صکره معاینه طیه سی اجرا قلنه رق امیدشفا منقطع اولور ویا اشتباهدن قورتیه ماز ایسه معلول عدلیه حقیقه تقاعد قانونیه کوره معامله ایفاسی و امیدشفا تین ایلدیگی تقدیرده نهایت برسنه یه قدر دهاتمدید ماذونیتی کوسترلش ایکن بو صورتک زراعت باقعه سی مأمورلری حقیقه هر زمان قابل

تطبیق اولمادیغندن بختله بشقه یولده برقرار اتخاذی لزومنی متضمن واقع اولان مراجعت اوزرینه تنظیمات دائره سنک قرار سابق تأییداً اتخاذ ایلدیگی قراری معدلاً هیئت عمومی جه متخذ ۵ تشرین ثانی ۳۲۹ تاریخی قرارده خرج راه قرارنامه سنک اون اوچنجی ماده سنده برای تداوی ماذونیت استحصالی ایده جک، مأمورینه « مدت مناسبه » ماذونیت ویریله جکی کوستریلوب تعیین مدت اولنماسی هر مأمورک موقع و وظیفه سنک ایجاباتیه و هر دائره نک امور و معاملاتنک احتیاجاتی عین حال و صورتده بولنماقدن طولانی بعضی مأمورینه اوزون مدت اعطای ماذونیتده بأس اولدینی حالدده بعضی مأمورین حقیقه اووجهله معامله بالعکس محذوری دعوت ایده بیله جکی جهتله مدتک مناسب مقدارده تعیینی دوائرک تقدیرینه ترک وحواله اولنقی ضروری بولنمندن نشأت ایتش و بناءً علیه تنظیمات دائره سنک ۲۲ مایس ۳۲۹ تاریخی قراری تفسیری اولیوب بلکده دائره اراشه طریق ایده بیله جک تدبیری برقرار ماهیتی جائز بولنش اولمقله زراعت باقعه سنه منسوب مأمورلردن خسته اولانلره ایجاب حال و مصلحتله متناسب مدته ماذونیت ویریله رک اومدتک ختامنده اکتساب افاقله خدمتلی باشنه دعوت ایده مزلسه حقلرنده عزل و تبدیل و تقاعدکی معامله مقتضیه قانونیه نک ایفاسی لازم کله جکی درمیان قلمش اولدینی اکلشملقه مستدعی مومی الیه رفعت افندی حقیقه باقعه اداره سنجه تطبیق اولنان معامله قرار اخیره کوره طوغری ایسه ده خسته مأمورلره متعلق اولان سالف الذکر ایکی قراردن تنظیمات دائره سنجه متخذ قرار دهاز یاده مقرون عدالت اولوب هیئت عمومی جه انک تعدیلنه سبب اولان اعتراض زراعت باقعه سی مأمورلردن بویه مدت مدیده خسته اولانلرک یرلرینه وکیل بولنه مامسی کیفیت اولدینی حالدده هیئت عمومی نک ۸ کانون ثانی ۳۳۰ تاریخی قراری موجبجه ثلثان معاشله وکیل استخدامی مجاز اولسلیله وکیل بولنه مامق محذوری ده غیروارد بولندیغندن کرک مستدعی مومی الیه کرک امثالی حقیقه تنظیمات دائره سنک سالف الذکر قراری ووجهله معامله اولنقی اوزره کیفیت برکده ده هیئت عمومی ده مطالعه سی تذکر قلندی اولبایده امر و فرمان حضرت من له الامر کدر .

۲۷ شوال ۳۳۳ ۲۵ اغستوس ۳۳۱

« هیأت عمومی دن یازیلان ذیلک صورتیدر »

ملکیه و معارف دایره سنک اشو مضبوطه سی هیئت عمومی ده قرائت اولندی ایجابی لدی المذاکره هیئتدن برذات طرفندن خرج راه قرارنامه سنک اون اوچنجی ماده سنده خسته لکی سببیه تداوی و تبدیل هوایه احتیاجی اطباطرفندن ورقه رسمیه ایله تصدیق اولنان مأموره « مدت مناسبه » ماذونیت ویریله جکی کوستریلوب تعیین مدت اولنماسی خسته لغتک نوع و درجه سیله برابر هر مأمورک موقع و وظیفه سنک ایجاباتی و هر دائره نک امور و معاملاتنک احتیاجاتی عین حال و صورتده بولنماقدن طولانی مأموریندن بعضیسنه اوزون مدت ماذونیت اعطاسی لازم و محذوردن سالم اولدینی حالدده دیگر بعضیسنه اووجهله معامله اولنقی بی لزوم و محذوری مستلزم بولنه جکی جهتله مدتک مناسب مقدارده تعیینی خسته مأمورینک منسوب اولدقلری دوائرک

تقدیرینه ترك وحواله اولمق ضروری بولمىسندن نشات ايتمىشدر . بو مدتک مقدما تنظيمات دائره سندن ویريان وبالاخره هیئت عمومیه دن تعدیل ایدیلن قرارده کوستردلیکی اوزره شورای دولته تعیینه مساغ ومحل یوقدر . حونکه خرج راه قرارنامه سنک مذکور ماده سنده مندرج « مدت مناسبه » قید معالقمق تفسیر طریقله تقید ایتک قانونی تغییره مؤدی اولمقدن ناشی طوغری اوله میه جنى کبی عمومی تدبیر اوله رق معین بر زمانه مدوقصر ایتک دخی بر طرفدن ایشاری بوکامتحمل اولمیان دوائر ایچون مضرت و دیگر طرفدن وظیفه سنده مساعده بولان مأمورین ایچون بی لزوم بر شدت تشکیل ایتمکدن طولانی مناسب دکادر . شوراسی ده شایان قید و اشارتدر که خرج راه قرارنامه سنک موضوع بحث اولان ماده سنده مأمورینک تداوی و تبدیل هوایه احتیاجی اطبار طرفدن ورقه رسمیه ایله تصدیق اولنه جنى کورلمسیله مأمورینک بوقیل احتیاجی تبییناً هیئت صحیه معاینه سنه تابع طومعه صلاحیت قانونیه اولمیدنی ومع هذا هر برده هیئت صحیه بولمیدنی جهتله علی الاکثر اطبار اپوریه اکتفایه مجبوریت حاصل اولور اطبار اپورینک قولایلقله آله بیلمسی احتمالی مطالعه سندن قطع نظر فنا هر کس آزچوق تداوی و تبدیل هوایه محتاج کورینه جکندن لزوم مبرمه مستند بولمیان راپورلرک تأویل و اثبات مشروعی مشکل اولماز بوحال ایسه امثالنه تصادف ایدلیدیکی اوزره دوامسزلق ایتک ایستیان مأمورین و کتبه نك سوء استعمال ایتلیرینه بادی اولور برده خسته مأمورلرک رینه ثلثان معاشله وکیل استخدامک جوازی هر زمان اهل وکیل بولنه می ووظیفه نك وکالتله حسن ایفا اولمىسنى تأمین ایده مز بناء علیه مأمورینه خسته لق سببیه ویریه جک مآذونیت مدتیرینک هم خسته لغک درجه سی وهم وظیفه نك ایجابی مهما ایکن تألیف اولنه رق منسوب اولدقلى دائره لرحه تعیینی اوصورتله معین مدتک ختامنده وظیفه سی باشنه کلیان مأمورینک یرلرینه دیگرلرینک انتخاب و تعیینی بحالولمغه هیئت عمومیه نك بومرکزده اولان قرار واقعتک تغییرینه حاجت یوقدر مستدعی رفعت افندی حقنده تجارت وزراعت نظارتجه پایلان معامله آنف الیان قرار ایله انک نتایج طبیعیه سنه موافق بولمیدن یایله جق بشقه بر شی اولمیدنک کندیسنه تفهیمی خصوصنک نظارت مشار الیه بیلینی لازم کلیر طرزنده بیان رأی ومطالعه ایدلدى ایسه ده هیئت عمومیه نك ۵ تشرین ثانی ۳۲۹ تاریخلی قرارنده کوستردلیکی اوزره بر مأمورک احوال صحیه سندن طولانی مآذونیت طلب ایتمی خسته اولیه رق یالکزتبدیل هوایه محتاج اولمق ویاخود خسته لغی حسیله تداوی و تبدیل هوایه احتیاجی بولمق کبی ایکی صورتک بریه واقع اولوب اولکیسنده خرج راه قرارنامه سنک آلتنجی ماده معدله سنه توفیقاً مآذونیت ویروب ویرمامک مأمورک منسوب اولدینی دائره نك تقدیرینه راجعدر ایکنجی صورتده ایسه اون اوچنجی ماده حکمنجه احتیاج تحقق ایتدیکی تقدیرده هر حالده مآذونیت اعطاسی اقتضا ایدر سه ده مدتی قانوناً معین اولیوب « مناسبه » قیدیه تقدیره ترك اولمىشدر . خسته مأمورلره ویریه جک مآذونیتک « مدت مناسبه » ایله تقیدى فنا قابل تداوی اولوب امید شفا موجود بولان خسته لقلره دوچار اولان مأمورینه مطلقاً بو خسته لقلرک اندفاع ویاخود امید شفانک انقطاعه قدر مآذونیت اعطاسی تجویز اولنماقندن متولد وتنظیمات دائره سنک موضوع بحث قراری دخی حکم

قانونک صورت تطبیقی تنظیم و تعیینه معطوفدر قرار مذکورده کوستریلان بروایکی سنه مدتلر حد اعظمی اوله رق خسته مأمورینه نهایت اوراده لرده مآذونیت ویریه بیلوب اندن صکره صحتلری عودت ایتدیکی حالده حقلرنده حکم قانونک اجراسیله یرلرینه دیگرلرینک تعیینی ضروری اوله جنى ملاحظه سنه بنایدلمىشدر برمنوال محرر ویریه جک مآذونیت مدتیرینک حد اعظمیلرینک تقدیر و تعیینی خصوصنک هیئت عمومیه نك تنظیمات دائره سی قراری تعدیلاً اتخاذایلش بولمیدنی قرارنده کوستردلیکی اوزره خسته مأمورینک منسوب اولدقلى دوائر ترکی حالده منتهای مدت مآذونیت نقطه نظرندن احوال ماثله ده اطراد وانتظامی محل وواایسه غدیری وعدالتسزلکی منتج اوله جنى اکلاشمىشدر ذاتاً هیئت عمومیه نك آنف الیان قراری ملکيه ومعارف دائره سنک مضبطه سنده مندرج اولدینی وجهله زراعت بانقعه سی مأمورلردن اوزون مدت حسته اولانلرک یرلرینه معاشله وکیل بولنه میدیغک بیان ایدلمىسندن وفی الحقیقه برطاقم مهم واوزاق مأموریتلره آز معاشله اهل وکیل بولمق مشکل کورلمىسندن ایلری کله رک حالبوکه بشقه مأموریت اصلیه سی اولمیدنی حالده بر مأموریتده وکالة استخدام اولانلره او مأموریتک اصالت معاشنک ثلثانی وحقی ده زیاده سی ویریه بیله جنى تنظیمات دائره سنک هیئت عمومیه دن ذیلاً مصدق ۸ کانون ثانی سنه ۳۳۰ تاریخلی مضبطه سنده محرر قراری اقتضاسندن بولمىش اولمسیله سرد اولان محذور برطرف اولمش ومع هذا محافظه اطراد امرهمنک اخلاقی مستلزم ماهیتده کورلماشمىشدر بناء علیه تأمین اطراد وانتظام ومحافظه حقانیت وعدالت ایچون تنظیمات دائره سنک مبحوث عنه قرارینک دوام مرعیتی وخلاصه امید شفا منقطع اولمیدنی حالده مدت مآذونیتلری ایکی سنه یه بالغ اولمیان خسته مأمورینک نهایت بومده رسیده اولنجه یه دکن تمديد مآذونیتلرینه دوائرک مجبور طوتلسی وبو مدتدن فضله مآذونیت اعطاسندن ده منع اولمىسنى مقتضی بولمىشدر انجق خرج راه قرارنامه سنک مارالذکر ماده سنده خسته لغک اطبا طرفدن ورقه رسمیه ایله مصدق اولمىسنى مشروط اولمىسنى کوره خسته لق سببیه مآذونیت طلب ایدن مأمورینه اطباى خصوصیه جه دکل بانک وظیفه دار اولان اطباى رسمیه جه دخی موجود بولان محللرده هیئت صحیه جه راپور ویرلمسی ایجابات قانونیه دندر هیئت صحیه موجود بولمیان یرلرده دخی تردد واشتباه وقوعنده طیب راپورینک اک یقین محله کی صحیه یه تدقیق ایتدیرلمسی خلاف قانون وصلاحت اولمقدن بشقه قانونک روح ومقصودنی تأمین وسوء استعمالات احتمالی رفعه خادم اوله جکندن دوائرجه بو جهتله اعتنا اولمىسنى وکرك ابتدا مآذونیت ویریلیر ایکن کرك تنظیمات دائره سی قرارنده محرر اولدینی اوزره مدت مآذونیتک ختامیه برسنه یه قدر امهال یاییلیر ایکن وبو بر سنه نك ختامنده یته قرار مزبور موجبجه مامله ایفا قلیر ایکن هر دفعه سنده برمنوال محرر معاینه اجزاسی اسبابنک استکمالنده مساحه وقصور وقوعنده بوخصوصده وظیفه دار مأمورینک مسئول ایدلمىسنى لازم کلیر کیفینک او صورتله تجارت وزراعت نظارتنه جواباً ودوائر سائریه تعمیماً تبلیغی اکثریتله تذکر قلندی اولباده امر وفرمان حضرت من له الامر کدر .

قانون تجارت

منافع مغضوبك ضمانه دائر

مجلسه نك بش يوز طقسان آلتنجي ماده سي منظوقچه بر كيه برمالى صاحبك اذنى اولمقسزى استعمال ايتش اولسه غصب قيبندن اوله رق منافعى اوده مك لازم كرز. بوحالده بر كيه فضولا آخريتك خانه سنده ساكن اولسه ويا خود آتته يينه رك بريره كيتسه او كسنيه ضمان لازم كرز. بوحالده بر كيه خانه انده ساكن اولان و آت دخى اكا راكب بولنان شخصك تحت ضماننده در عينك ضمانى ايسه صفت ماليت و تقويمى اعتراف ريله حاصل و ماليت و تقويم دخى عينك منافعى اعتباريله مرتبه اهميته واصلدر حتى بوندن طولاني عينك قيمتى منافعتك اختلافيله مختلف اولور. ايمدى عينك لزوم مضمونيتى ايجون منافعتك نظر اعتبارده طولمى اقتضا ايتديكى حالده منافعتك آروجه مضمون اولمى ممكن اوله ماز. فقط بويان اولنان علتك خانه حقنده جريانى متفق عليه دكلدر چونكه ابوحنيفه و ابو يوسف حضرتلرينه كوره عقارده غصب جارى اولمديغندن برخانه ده فضولا ساكن اولان كسنيه نك صنع و تقصيرى اولمقسزى مذكور خانه يي قلمش اولسه شخص منوره ضمان لازم كرز علت مذكوره آنجق امام محمد قولنه كوره معتبر اولور. اك طوغرىسي منافع غصبك عدم ضمانتى جريده عدليه نك ۱۴۳ نومرولى نسخهنه درج اولنان مقاله ده بيان ايتديكمز اصله بنا ايتكددر زيرا منافع برعينده شيئاً فشيئاً حادث اولان برطاقم زوائددر مقاله مذكورده مذهب حنيفه زوائد مغضوبك غاصب اوزرينه مضمون اولمديغنى و بالعكس شافعيه كوره مضمون اولديغنى بيان ايتش ايدك ايشته منافع دخى زوائد كيدر چونكه شافعى عندنده موجب ضمان اولان غصب اثبات يد ايله حاصل اولور ويدعين اوزرنده ثابت اولديغنى كې منفعت اوزرنده ثابت اولور. حالوكه حنفيه عندنده غصب آنجق مالكك يدينى افاده ايدن بريدك وضعيله تحقق ايدر بوايسه منافعه تحقق ايدم زيرا منافع ايكي وقت ايجنده باقى قالمديغندن ابتدا مالكك ينده بولنوب صوكره غاصبك يدينه انتقال ايتمى تصور اولنه مازكه غاصبك يدى مالكك يدينى افاده ايتش اولديغنى فرض اولنسون بناءً عليه منافع غصب مضمون اولماز. حنفيه عندنده عقد ويا خود شبهه عقد بولمديجه منافع اتلاف ايله دخى مضمون اولماز مثلاً بوش برخانه يي كليديلوب صاحبى دخولدن و بربينك آتاك بولنديغنى آخورى سد ايله صاحبى ركوبدن منع ويا خود برعربيه يي كسر وادوات مكسوره سنى طاعتيمق كې برفعله جرأت ايدن كسنيه ضمان منفعته لازم كرز يعنى اتلاف اولنان منافع مضمون اولماز. اما شافعيه

عندنده مضمون اولور. بوحصوصده حراولان بنى آدمك منفعته ده سائرينه مساويدر حتى بر كسنيه برحر آدمى تسخير ايدرك نزدنده استخدام ايتش اولسه اجر مثلى وىرمى لازم كليز مذهب حنفيه او كسنيه تأديب اولور فقط كنديسنه ضمان لازم كرز. قول شافعيك وجهى شودر: منفعت مال متقومدر بوجهته عين كې اتلاف ايله مضمون اولور و منفعتى توصيف ايتك لازم كلكده دينلوركه مال عندم زده موجود اولوب تسويه امورم ايجون خلق بيورلمش اولان شيتك اسميدر بزم و سائرلرينك منافعى دخى بوصفى حائر در و بر شيتك ماليتى انكه تمول اولمى ايله بيلينير. كور يوروز كه برچوق آدمى منافعندن استفاده صورتيله اجراى تجارت ايدورلر چونكه ناسك كار خصوصنده اك ايلرى كيدنلرى تاجرلدرر حالوكه بونلرك سرمايه لرى اكثراً منفعندن عبارتدر زيرا انلر بعض كره طوپدن برچوق شيلر استيجار ايدرلر و بونلرى پرا كنده صورته و ربح مقصديه ديكر كسنيه لره ايجار ايلرلر و بعضاً طوپدن برچوق شيلر اشترا ايدوب بعده پرا كنده اوله رق بشقلى رينه ساتارلر. برصينك ولىسى بيله انك مالى ايله صبي ايجون استيجاره تشبث ايدر و بوعقد استيجار صحيح اولور. ايشته بوايضاحات ايله منافعتك ماليت خصوصنده اعيانندن فرقى اولمديغى تبين ايديور. برده منفعت مهر اولغه صالحدرر حالوكه مهر تسميه سنك شرط صحتى مسمى مال اولمقددر. امام شافعى عندنده حرك منافعى دخى مال اولوب اتلاف ايله مضموندر. آنجق بر كسنيه حر بر آدمى حبس ايتمكه منافعى ضامن اولماز چونكه او آدمى حبس ايدن كسنيه منفعتى اتلاف و اوزرينه اثبات يد ايتامشدرر بلكه محبوسك منافعى اوزرينه لابس اولديغى انوابى كې كندى ينده در بر كسنيه نك حبسيله البسه سنك تضمينى اقتضا ايتيه چكى كې منافعتك دخى تضمينى لازم كرز. منفعتك مال اولمديغى تسليم اولنسه بيله متقوم اولديغنه شبهه يوقدر زيرا اعيانك قيمتدار اولنسه سبب منفعندن عبارت اولديغى حالده منفعتك متقوم اولماسى امكان خارجنده در. منافع كرك عقد صحيح و كرك عقد فاسد ايله تملك اولنور و بوضورتلر ايله ايله مضمون اولور عقد ايله تملك اولنان شى ايسه بيمه حال متقومدر و اتلاف ايله مضمون اولور. عقد فاسد و سيلاهيله عين ايله منفعت بيننده ماليت جهتمندن مائلت بولنديغى ايجو تظاهر ايدر چونكه عقد فاسد سبيله شرعاً لازم كلان ضمان امثاليه تقدير اولنور اتلاف خصوصنده بويه در. فقط مسك قوقوسى بونك خلاقه ملايسدر شويله كه بشقه سنك مسكنى قوقلايان آدم برشى تضمينه مجبور اولماز زيرا رايحه منفعت دكلدر لكن اودون دومانى كې عيندن انتشار ايدن برخاردرر انك ايجون عقد ايجار ايله تملك اولنماز نته كيم بر كسنيه قوقلامق ايجون مسك نافه سندن چيقاريلان مسكى استيجار ايتش اولسه عقد مذكور جائز اولماز. واشبو مسك بوجهله مضمون اولماز. مذهب حنفيك بوكا قارشو. ايراد ايتديكى دلائل بوجه آنى بيان اولنور شويله كه: بر شيتك صفت ماليتى آنجق تمول ايله ثابت اولور تمول بر شيتك وقت حاجت ايجون محافظه و ادخار اولنيسدرر منافع ايسه ايكي وقت ايجنده باقى قالماز لكن اعراضدن عبارت اولديغى جهتهلر حيز عدمدن حيز وجوده چيقمسييله برابر لاشى حكمنده قالير

وبويله برشیده تمول تصور اولماز وبوسبیدن طولانی غرما وورثه حقارنده متقوم صایلماز حتی برمریض
کسنه برانسانه بدناً معاونت ویا خود برشی اعاره ایتش اولغله اوآدم بوندن مستفید اولسه اشبو منفعتک ائلدن
خروجی معتبر دکلدرد. بونک سببی شوصورتله ایضاح اولنور: برشی متقوم اولق ایچون اول امرده موجود
اولمیدر معدوم اولان شی تقوم ایله توصیف اولماز چونکه معدوم هیچ برشی دکلدرد وبرشی موجود
اولدقدن صوکره متقوم عد اولنه بیلیمک ایچون محرز اولمیدر وبرشیئک بعدالوجود احراز ایکی وقت
ایچنده بقا بوله میان شیلرده تحقق ایتمز بوصورته اوشی نصل متقوم اولور. شو اساسه نظراً منافعه اتلاف
دخی تصور اولنه ماز زیر اتلاف فعلی معدومه حلول ایتمز وبعدالوجود فعل اتلاف حلول ایده جک قدر
منفعت باقی قالماز وسبب تحقق ایتکسزین بر حکم اثباتی جائز اولماز. اما عقد ایله منفعت ایچون قیاسه مخالف
اوله رق حکم احراز وتقوم ثابت اولور. بوايسه ضرورت وحاجته بناءً عین منتفع بهانک منفعت مقامه اقامه سی
اعتباریه حاصلدر بویله بر احتیاج ایسه غصبده تحقق ایتمز بو حالده او خصوصده انجیق حقیقته اعتبار اولنور
وبو اعتبار ایله تقوم واتلاف منعدم بولنور. مهرده وولینک صبی ایچون برشی استیجارنده احتیاجه مبنی
عقد ایله احراز وتقوم حکمی ظاهر اولور. کرچه مال بزم تسویه امورمن ایچون خلق اولنان شیئک اسی
ایسه ده انده تمول واحراز صفی موجود اولق شرطدر. منفعتک تفاوتی سببیه عینک قیمتی متفاوت اولدینی
کبی رایحه نکه ده تفاوتیه عطریاتک قیمتی متفاوت اولور مع ذلك بو حال انک مال متقوم اولدیغنه دلالت ایتمز.
منفعتک مال متقوم اولدینی تسلیم اولنسه بیله مالیت جهتیله اعیانک مادوننده اولدینی انکار اولنه ماز. ضمان
غصب نصاً مثل ایله مقدردر کورلمز می که مال نسبت ایله تضمین اولماز بناءً علیه دین عین ایله تضمین اولماز
چونکه عین دینک فوقدر کذا منفعت عین ایله تضمین اولماز زیرا منفعت عین ایله قائم بر عر ضرور عین
عرض کنیدیسه قائم اولان بر جوهردر بونلر بیننده کی تفاوت کیمسه یه خفی دکلدرد منافع ایکی وقتده باقی
قالماز حالبوکه عین بر جوق وقتدر باقی قالیر باقی قلان شی ایله قالمیان شی بیننده فرق عظیم بولندینی درکاردر
عین دخی منفعت ایله تضمین اولماز وبرشی دیگر برشیئک مثلی اوله بیلیمسک ضروریاتنددر که ایکسجی شی دخی
اولکینک مثلی اولور. منفعت عند اتلاف دیگر منفعت ایله ده مضمون اولماز حتی برخانده موضوع اولان
عین شکل وقطعه ده کی ایکی طاشدن برینک منفعتی دیگر طاشک منفعتک مثلی اوله ماز. منافع بیننده کی مماثلت
عین ایله منفعت بیننده کی مماثلتدن ده ظاهردر فقط ضمان عقد ضمان منفعتدن فرقلیدر چونکه ضمان
عقد اصلی اعتباریه مماثلته مبتنی دکل بلکه رضای طرفینه مستددر. ضمان عقد نصل مماثلته مبتنی اوله بیلیمک
عقددن مقصد ربحدرد. ضمان عقد مشروعدر ومشروع اولان شیده وسع وامکان نظر اعتباره الینیر بناءً علیه
عقد کرک فاسد وکرک جائز اولسون تراضی طرفین اعتباریه ضمان ویا اجرت لازم کلیر بوجهته ضمان
عقدده احتراز ایتک یداقدار مزده اولمیان تفاوتی نظر دفته الملق لزومی ساقط اولور. اتلافه کلنجه بو خصوص
شرعاً ممنوع وضمانی دخی نسه بناءً مثل ایله مقدردر بویله اولنجه اتلاف سببیه متلفک قیمتی مقداری اوزرینه

برشی ده زیاده ایتک جائز اولماز مثلاً کسر اولنان عربنه نک قیمتی اوزرینه اجر مثلک ده علاوه سی جائز دکلدرد.
دفع ظلم واموال ناسک منافعی اتلافدن وقایه مقصدینه نظراً بو اعتبار ساقط اولمیدرد. بوتفاوت معتبر طوتلدینی
تقدیرده مظلوم اولان متلف علیه حق ضایع اولور ومظلوم طرفی التزام ظالم طرفه مراعاتدن اولادر
اگر بر وصف زیاده لکندن عبارت اولان بوتفاوتی معتبر طوتماز ایسه ک متلفک وصف مذ کوردن حق
ساقط اولور واکر بوتفاوتی معتبر عداید ایسه ک متلف علیه اصل مالیتدن حقنی اسقاط ایتش اولور زیاده
بو ایکی شیدن برینی اهدار ایتک ناچار کورلدیکی زمان وصفک اهداری اصلک اهدارندن ده اولادر
دیلور ایسه فقهای حنفیه بوکا جواباً دیورلر که اموال ناسک منافعی تلفدن وقایه ایچون تعذیر وحبس واردرد
اما غصبدن دولایی لازم کلان ضمان اوزرینه برشی علاوه ایدیه میه جک صورته مثل ایله تقدیر اولنسی
منصوصدر همده ظالمه ظلم اولماز بلکه حرمت امواله رعایت ایله برابر حقنده اجرای عدالت اولنور اکر متلفک
تلف ایتش اولدینی شی اوزرینه برشی علاوه ایده جک اولور ایسه ک کنیدیسه ظلم ایتش اولور. والحاصل
فقدان مماثلتدن دولایی ائمه حنفیه عندنده منافع غصب مضمون دکلدرد. ائمه مشار الیه همک تنویر مدعی ایچون
ایراد ایتدکری دلالتک پک قوی وپک متین بولندینی درکار ایسه ده زمانمزده اطماع فاسده اربابی چوغاله رق
شونک بونک املاک صرفه دن بوش خانه سنی استیلا ایله بلا اجرت استعمال ایتمکده اولدقلرینه ومتصرفلری
طرفندن محاکمه مراجعت اولندینی تقدیرده دعوالری رد ایدلمکده اولدیغنه مبنی قول شافعی مقتضای زمانه
ده موافق کوریلور. نته کیم مقدملری بر طاقم طمعکارلری ولی ووصی ومتولیرک ضعفندن بالاستفاده ایتام
واوقافه عائد عقاراتی وبعض مستأجر وویکالیرک خیانتندن بالاستفاده معدللاستغلال اولان خانه ودکان وخان
وحام کی محللری استیلا ایدرک بلا اجرت استعمال ایتمکده اولدقلری کورلدیکی جهته متأخرین علمای
حنفیه طرفندن بو مثلاً عقسارادن ایتام واوقافه عائد اولانلرینک هر حالده ومعدللاستغلال اولانلرینک
تاویل ملک وعقد بولندینی حالده منفعتلرینک مضمون اولدینی قبول ایدلش وبو بابده اجر مثل ایله منفعت
بیننده مماثلت آرانلماشدر بناءً علیه بودفعه مشیخت جلیله اسلامییه ایله عدلیه نظارت جلیله سی آراسنده جریان
ایدن مذاکره نتیجه سنده مجله نک مذکور ماده سنک قول شافعی به توفیقاً تعدیلی قرارگیر اوله رق بوکا دائر
قلمه آلان لایحه نک معامله لازمیه سی در دست اکیال بولنش اولدینی سامعه زیب حیور اولمشدر.

محکمه تمیز رئیس اولی

عنه

تصحیح

محکمه تمیز رئیس اولی عثمان بک اندی حضرتلرینک (زوانده مفصوبک ضمانه دائر) عنوانیه جریده نک ١٤٣ نجی نسخه سنده کی
مقاله لرینک اون اوچنجی سطرینک اونجی کله سی (مقصود) اوله رق طبع ایدلش ایسه ده (مقصوب) اولاجقدر.

مندرجات

۵ کانون اول — ۱۳۳۱

قسم رسمي

نومبر و صيفه

۲۸ کانون ثانی ۳۳۱ ۷۱۲۹

۷۱۳۰ » » ۳۰

۷۱۳۱ » » ۳۰

۷۱۳۱ » » ۳۰

۱۸ کانون ثانی ۳۳۱ ۷۲۳۱

— (۱)

(۲)

(۳)

(۴)

— (۱) آلتون اخراجنك منى حقنده

۷۱۳۲ » » ۲۱ { (۲) آرتا وودلقدہ عفو عمومی اعلانہ متداثر قانونہ ذیل

۷۱۳۳ » » ۲۱ { (۳) آرتا وودلقدہ عفو عمومی اعلانی حقندہ قانون

۷۱۳۳ » » ۲۴ { (۴) دول مخصوصہ و متفقہ ایلمہ بیطرف دولتر تبعہ سی بدلرندہ بولنان فاضی و امور تیسمانلری حقندہ قانون

۷۱۳۴ » » ۲۶ { (۵) قانون جزائک دردنجی فصلہ مذیل ۱۴ ربیع الاول ۱۳۱۹ تاریخی فقرہ بی معدل قانون

نومبریات عملیہ

» »

» »

» »

قوانین و نظامات

» »

» »

» »

» »

تہلیفات عمومیہ

— (۱) سلاح آلتہ آلتان مأورلرک وکالمری حقندہ ۲۱ کانون ثانی ۳۳۱ ۷۱۳۵

(۲) اورمانہ عائد تمیز دعوارندہ جزای نقدی : شباط ۷۱۳۵
تودیہ لازم کلیہ جکی حقندہ

محکمہ تمیز ہیئت عمومیہ سی مقرانی — (۱) مأور علیہندہ اثر غرض اولہرق شکایت
و یا افترا وقوعی حالندہ یا پیلاجق معاملہ ۳۱ کانون ثانی ۷۱۳۶
حقندہ

(۲) اراضی امیرہ بعدالوفات تأدیہ دین ایدر ۳ شباط ۷۱۳۸

(۳) مبیاعہ جنتک فتواخانہ عالیہن تصدیق : ۴
ایدلمہ سی حکمزلکنی ایجاب ایتمز ۷۱۴۲

محکمہ تمیز استدعا دائرہ سی مقرانی — (۱) معترض علی الحکم حقندہ ۱۳ ۷۱۴۴

محکمہ تمیز جزا دائرہ سی مقرانی — (۱) قتل قصدیلہ جرم فعلی حقندہ ۱۱ ۷۱۴۶

(۲) اسباب ودلائل ثبوتیہ نک قرار مجرمیتدہ : ۱۳ ۷۱۴۷
تقصیلی حقندہ

(۳) مجرمک سنی تحقیق ایدلمہ دن قرقجی مادہ : ۱۳ ۷۱۵۰
تطبیق ایدلمہ من

(۴) ادعا شاہد لیلہ مدافعہ شہودینک مواجہہ سی : ۱۳ ۷۱۵۱
حقندہ

(۵) مسائل جرمیہ نک حل ایچون طیب راپور : ۱۳ ۷۱۵۲
لرینک صحبہ مدیریت عمومیہ سندہ تدقیق لازمدر

(۶) جرمیہ ایقاع سلاحک نوعی حقندہ : ۱۳ ۷۱۵۳
تحقیقات اجرایی لازمدر

(۷) مال مسروق حفظ ویاخفا ایدنلرک بو : ۱۳ ۷۱۵۴
مسروق اولدیقنہ واقف اولملری لازمدر

(۸) اعلامات ضبطنامہ لری حقندہ ۱۳ ۷۱۵۵

محکمہ تمیز حقوقہ دائرہ سی مقرانی — (۱) اعشار دعواسندہ مرور زمان حقندہ ۱۸ کانون ثانی ۳۳۱ ۷۱۵۶

قسم غیر رسمی

۷۱۵۸ سلیانیہ بدایت مدعی عمومیسی محمد صبری بک

باش مدعی عمومی ممدوح بک افندی حضرتلری

براستیضا منامہ

مقالہ ہوا یہ